

賜板

訂正東醫寶鑑

二

内景篇一

血

夢

聲音

言語

津液

痰飲

ヤ 9

905

4



門中
號 905
卷 4

門中
號 059
卷

訂

正東醫寶鑑內景篇卷之二

御醫忠勤貞亮扈聖功臣崇祿大夫陽平君臣許浚奉教撰

血

陰血生於水穀

靈樞曰中焦受氣變化而赤是謂血又曰榮出於中焦又曰穀入於胃脉道乃行水入於經其血乃成。內經曰榮者水穀之精氣也和調於五藏灑陳於六府乃能入於脉也故循脉上下貫五藏絡六府也

血為榮

內經曰血為榮榮於內目得血而能視足得血而能步掌得血而能握指得血而能攝。劉宗厚曰榮者水穀之精也生化於脾總統於心藏受於肝宣布於肺施泄於腎灌漑一身目得之而能視耳得之而能聽手得之而能攝掌得之而能握足得之而能步藏得之而能液府得之而能傳注

之於脈少則澀充則實常以飲食日滋故能陽生
陰長取汁變化而赤為血也是故血盛則形盛血
弱則形衰矣

血為氣配

夫血譬則水也氣譬則風也風行水上血
氣之象焉蓋氣者血之帥也氣行則血行氣
止則血止氣溫則血滑氣寒則血澀氣有三息之
不運則血有一息之不行病出於血調其氣猶可
以導達病原於氣區區調血何加焉故人之身
調氣為上調血次之是亦先陽後陰之義也
脈經曰脈得諸澀濡弱為亡血○脈訣曰諸發
血皆見芤脈脈貴沉細浮大難治○正傳曰芤為
失血澀為少血又曰吐血之脈必大而芤大為發
熱芤為失血○靈樞曰衄而不止脈大者逆○內
經曰脈至而搏血衄身熱者死又曰腹脹便血脈
大時絕者死○難經曰病若吐血衄血脈當沉細反
浮大而牢者死○仲景曰脫血而脈實者難治○
丹溪曰吐血衄血脈滑數者難治○吐血衄血脈小弱

脈法

者生實大者死○諸失
血證脈大且數者逆

熱能傷血

凡熱皆出於心熱甚則能傷血熱出於心洗
心散所不可闕方見火門熱能傷血四順清
涼飲方見火門又不可無也直指○丹溪曰諸見
血皆熱證所謂知其要者一言終是也又曰血見
熱則行見寒則凝凡口鼻出血皆係陽盛陰虛有
升無降血隨氣上越出上竅法當補陰抑陽氣降
則血歸經也○凡血得熱則淖溢故鮮得寒則凝
澀故瘀瘀者黑色也鮮者赤色也三因

七情動血

內經曰諸血者皆屬於心又曰大怒則形氣
絕而血苑於上使人薄厥又曰怒則氣逆甚
則嘔血○怒氣逆甚嘔血暴癉內逆肝肺相搏則
血溢鼻口但怒氣致血證暴甚故經曰抑怒以全
陰者是也否則五志之火動甚火載血上錯經妄
行宜用保命生地黃散方見下丹心○內傷七情
者暴喜動心不能生血暴怒傷肝不能藏血積憂
傷肺過思傷脾失志傷腎皆能動血又曰五志火

動失血熱者解鬱湯虛者保命散方皆見下又曰大怒薄厥此怒傷肝而嘔血以黃連香附青黛柴胡甘州平其肝則自愈矣入門○暴喜傷心則氣緩而心不出血故肝無所受暴怒傷肝則氣逆而肝不納血故血無所歸又房勞過度以致陰火沸騰血從火起故錯經而妄行正傳

內傷失血

靈樞曰卒然多食飲則脹滿起居不節用力過度則陽絡脈傷陽絡脈傷則血外溢血外溢則衄血陰絡脈傷則血內溢血內溢則後血○血出上七竅為血溢大小便便血為血泄內經

失血諸證

失血諸證妄行於上則吐衄衰涸於外則虛勞忘返於下則便紅積熱膀胱則癢閉尿血滲透腸間則為腸風陰虛陽搏則為崩中濕蒸熱癩則為滯下熱極腐化則為膿血火極似水則血色紫黑熱勝於陰則發為瘡瘍溼滯於血則發為痛痒癩疹皮膚則為冷痺蓄之在上其人喜忘蓄之在下其人喜狂丹心○其從肺而上溢于鼻者曰衄血從胃而上溢于口者曰嘔血吐血其咯血

辨血色新舊

唾血者出于腎也咳血嗽血者出于肺也其痰帶血絲出者或從腎或從肺來也其出于小便者曰尿血曰血淋其出于大便者曰腸風曰血痔正傳○從汗空出謂之肌衄從齒齦出謂之齒衄從舌出謂之舌衄從委中出謂之臍血從九竅皆出謂之九竅出血入門

新血鮮紅舊血瘀黑又曰風證色青寒證色黯暑證色紅溼證色如烟煤屋漏水○陽證溢出血鮮血陰證下如豚肝○初便褐色者重再便深褐色者愈重二便黑色者為方重色變者以火燥也如羊血在日色中須臾變褐色久則漸變而為黑色即此意也海藏

蓄血證

蓄血即瘀血積蓄也傷寒熱病身黃尿黑如狂喜忘者為蓄血也景○海藏曰喜忘發狂身黃尿黑疾已甚也但小腹滿小便不利者輕也○蓄血外證痰嘔燥渴昏聩迷忘常喜湯水漱口○凡病日輕夜重便是瘀血又常喜漱水而不欲下咽入門○凡蓄血有上中下之別以衄嘔唾吐

血為上部血結胃中為中部蓄血下焦為下部血蓄上焦則善忘宜犀角地黃湯方見下血蓄中焦胸滿身黃漱水不欲嚥宜桃仁承氣湯方見傷寒血蓄下焦則發狂糞黑小腹硬痛宜抵當湯丸須取盡黑物為效方見傷寒又生地黃湯通治方見蓄血海藏綱目曰瘀血燥結宜用玉蠟散方見逐之直指沒藥蕪木水蛭蟲五靈脂留尖桃仁皆破瘀血本草生韭汁善治胸膈間瘀血甚效丹心

生地黃湯

治蓄血證脈沉細微膚冷臍下滿或狂或躁大便色黑小便利老幼氣弱者宜宜生地黃汁一升無則用生乾地黃二兩乾漆炒烟盡半兩生藕汁半升無則用刺薊汁一升半生藍葉一握剉無則用乾末半升生蟲二十箇炒水蛭十箇炒太黃一兩剉桃仁研半兩右水三升同熬至二升放冷分二服先服至半日許血未下再服之此藥比抵當湯丸甚輕恐抵當丸下血不止故

以此湯主之海藏

血病吉凶

凡血逆行難治順行易治無潮熱者輕有潮熱者重潮盛脈大者死又曰九竅出血身熱不得卧者即死又曰凡血證陽盛則身熱多渴陰盛則身涼不渴然血陰也身涼者易愈又曰如心脈脈破血若涌泉口鼻俱出者不治入門靈樞曰淫而脫形身熱色天然白及後下血衄血衄篤重是為逆又曰衄而不止脈大是為逆又曰咳且洩血脫肉其脈小勁是為逆又曰嘔血胸滿引背脈小而疾是為逆又曰腹脹便血其脈大時絕是為逆又曰咳洩血形肉脫脈搏是為逆。東垣曰諸見血身熱脈大者難治難治者邪勝也身涼脈靜者易治易治者正氣復也又曰血溢上行或睡或嘔或吐皆凶也若變而下行為惡痢者順也上行為逆其難治下行為順其易治故仲景云蓄血證下血者當自愈若無病之人忽然下血利者其病進也今病血證上行而復下行為惡利者其邪欲

去是知吉也。仲景曰吐血咳逆上氣脈數而有熱不得卧者死。無故忽然瀉下惡血名曰心絕為難治。傷寒太陽證衄血者病欲愈熱結膀胱而血自下者亦欲愈以此觀之則他病伏熱之人上焦瘀熱而作吐者亦其病之有瘳也雖然血既吐而自止則可矣直指

衄血脫血證

靈樞曰鼻頭色白者衄血也又曰衝脈為血之海血海不足則身少血色面無精光又曰血脫者色白天然不澤其脈空虛。內經曰臂多青脈曰脫血又曰安卧脈盛謂之脫血。東垣曰六脈弦細而澀按之空虛其色必白而天不澤者脫血也通用四物湯方見三才丸

三才丸

補血虛天門冬熟地黃人參各等分右為末蜜丸梧子大每服百丸酒飲任下細目鼻通於腦血上溢於腦所以從鼻而出兼以陽明熱鬱則口鼻俱出也又曰衄血出於肺宜葶芎散二黃補血湯雞蘇散陶氏生地芩連湯保命生地黃散方見清衄湯解鬱湯門入丹溪曰衄血以涼

衄血

血行血為主犀角地黃湯入鬱金加片芩升麻。東垣曰衄血出於肺犀角升麻梔子黃芩芍藥生芩紫苑升參阿膠之類主之。內經曰脾移熱於肝則為驚衄又曰春善病軌衄又曰少陰所至為衄衄又曰陽明厥逆喘咳身熱善驚衄吐血。衄不止以麝香散及諸藥塞鼻又用止血諸方法。傷寒當汗不汗熱盛迫血必為衄宜麻黃升麻湯麻黃桂枝湯滑石丸鼻流涕久成衄宜犀角地黃湯入門

葶芎散

治衄血香附子四兩川芎二兩右為末每二錢茶清調下不以時。丹溪心法芎附飲同香附開鬱行氣使邪火散於經絡川芎和血通肝使血歸於肝藏血歸火散其血立止入門

三黃補血湯

治六脈虛芤而衄吐血升麻白芍藥各二錢熟地黃一錢當歸川芎各七分半生地黃柴胡黃芪牡丹皮各五分右剉作一貼水煎服丹心

雞蘇散

治衄血不止乃肺金受相火所制然也雞蘇
葉黃芪生地黄阿膠珠白茅根各一錢麥門
冬苦黃蒲黃炒貝母炒桑白皮甘州炙各五分右
剉作一貼薑三片水煎服兼以黃丹吹入鼻正傳

陶氏生地芩連湯

治鼻衄成流不止失血過多謔語
失神閉目撮空不省人事生地黄黃
黃芩黃連梔子川芎赤芍藥柴胡苦黃犀角鎊甘
草各一錢右剉作一貼大棗一枚同煎臨服以藕
汁磨墨汁調服入門

清衄湯

治衄血當歸赤芍藥生地黄香附子黃芩梔
子側柏葉各一錢黃連七分赤茯苓苦黃各
五分生甘草三分藕節五箇右剉
作一貼水煎入童便調服回春

解鬱湯

治衄血柴胡黃連黃芩黃芪地骨皮生地黄
熟地黄白芍藥各一錢右剉水煎服入門
治衄吐血不止及上焦瘀血面黃太瘦
黑能消化瘀血生地黄黃三錢赤芍藥一

犀角地黄湯

錢犀角鎊牡丹皮各一錢右剉作一貼水煎
服入門。周春加當歸黃芩黃連各一錢尤佳

麻黃升麻湯

治傷寒表未解熱鬱作衄俗呼謂紅汗
麻黃升麻赤芍藥黃芩石膏赤茯苓甘
草各一錢右剉作一貼薑
三片水煎熱服微汗入門

麻黃桂枝湯

治傷寒不得汗作衄又治感寒衄吐血
麻黃白芍藥黃芪甘草炙各一錢桂枝
當歸各五分麥門冬人參各三分五
味子五粒右剉作一貼水煎服東垣

麝香散

治衄血不止白礬枯白龍骨各三錢麝香一
分半右為細末每用少許先以冷水洗淨鼻
內然後吹入鼻中或以溼紙蘸藥塞鼻尤妙得效
。百州霜細末二錢水調服名曰黑神散又吹入
鼻中。衄不止蒲黃炒或血竭末或油
髮灰末或人中白末並吹入鼻中本草

滑石丸

治傷寒不得汗以致鼻衄見血急用此止
之滑石末飯丸梧子大每十九丸微嚼破新水

嘔下立止
止綱目

止衄法

治鼻衄久不止諸藥無效神效以大白紙一張或二張作十數摺冷水浸溼置頂中以熨斗熨之至一二重紙乾則血立止東垣。治衄百藥不止用線緊扎手中指中節如左鼻出血扎右手手中指右鼻出血扎左手手中指如兩鼻出血左右俱扎之一方用色線種杏。治衄不止白芨為末冷水調塗山根上兩眉立止仍以冷水調二錢服之尤妙又方大蒜一枚細研作餅子如錢大左鼻出血貼左腳心右鼻出血貼右腳心如兩鼻皆出貼兩腳心血止即洗去本草。洪寶丹治衄血不止取藥冷水調塗後頂上最絕血路方見則春。

嘔血吐血

成塊有聲者為嘔成盆無聲者為吐入門。嘔吐血出於胃實者犀角地黃湯虛者小建中湯虛勞加黃連主之丹心。千金曰吐血有三種有內衄有肺疽有傷胃內衄者出血如鼻衄出

不從鼻孔出是逆從心肺間流入胃中或如豆羹汁或如切蟬血凝停胃中因滿悶嘔吐或數斗至一石者是也得之於勞倦飲食過傷也肺疽者或飲酒之後毒熱滿悶吐之時血從吐後出或一合半升一升是也傷胃者因飲食太飽之後胃不消化便煩悶強嘔吐使所食之物與氣共上衝臍因傷裂胃口吐血鮮赤腹亦絞痛自汗其脈緊而數者為難治。傷胃吐血宜理中湯寒疝加川芎乾葛肺疽吐血宜葛黃丸內衄吐血實者三黃瀉心湯加生地黃虛者茯苓補心湯人參救肺散。仲景曰酒客咳者必致吐血此因極飲過度所致即肺疽之屬也。暴吐紫黑血成塊者此因熱傷血瘀於中吐出為好四物湯合黃連解毒湯寒門調之又曰吐血覺胸中氣塞桃仁承氣湯寒門下之丹心。火載血上錯經妄行四物湯加山梔童便薑汁薑汁童便吐血要藥也丹心。吐血火病也雖挾痰只治火則血止入門。汗乃心液熱則變紅而逆出上竅傷寒失汗則熱毒入藏化為

瘀血從口吐出多屬陽明凡見目紅骨熱神昏狂
譫胸腹急滿皆血證也輕者犀角地黃湯加黃芩
梔子茅根藕節重者桃仁承氣湯抵當湯丸方見
入門。吐血宜大薊飲子蓮心散是齋白水散天
門冬湯口鼻俱出宜四生丸蚌霜散黑神散側柏
散藕汁散七生湯清熱解毒湯花藥石散五神湯
狗膽丸

葛黃丸

一名葛連丸治飲酒多積熱以致吐衄血
為末用大黃末水熬成膏和
丸梧子大溫水下百丸回春

三黃瀉心湯

治吐血大作此乃熱之甚也大黃三錢
黃連黃芩各一錢加生地黄二錢右到
作一貼水煎服仲景。心氣不足吐衄血用瀉心
湯何也曰心氣獨不足則不當吐衄也此乃邪熱
因不足而容之故為吐衄以寒泄其
熱以苦補其心蓋兩全之義也東垣

茯苓補心湯

治勞心吐血白芍藥二錢熟地黃一錢
半當歸一錢三分川芎白茯苓人參前
胡半夏各七分陳皮枳殼苦蕒乾葛紫蘇葉甘州
各五分右到作一貼薑五片棗二枚煎服三因

人參救肺散

一名救肺散治虛勞吐血人參黃芪白
芍藥熟地黃當歸梢各一錢升麻柴胡
蒼朮陳皮蘓木甘州各五
分右到作一貼水煎服東垣

大薊飲子

一名大薊散治辛熱物傷脾胃嘔吐血名
曰肺疽大薊根桑白皮犀角升麻蒲黃炒
杏仁苦蕒甘州各一錢右
剉作一貼水煎服丹心

蓮心散

治勞心吐血蓮子心五十箇糯
米五十粒右為末酒調服得效

是齋白水散

治飲食過度負重用力傷胃吐血白
二錢人參白茯苓黃芪各一錢山藥百
合各七分半甘州五分前胡柴胡各二分半
右剉作一貼薑三片棗二枚水煎服簡易

天門冬湯

治思慮傷心吐衄血天門冬遠志白芍藥
黃各七分分人參甘艸各三分
剉作一貼薑二片水煎服濟生

四生丸

治吐衄血陽乘於陰血熱妄行生荷葉生艾
葉生側柏葉生地黃葉各等分右爛搗取如
雞子大每一丸水一盞煎服或鹽湯
化服丹心一方無荷葉有生薄荷

蚌霜散

治傷損吐血及酒食醉飽後低頭
搗損血安行口鼻俱出方見諸傷

黑神散

治傷損大吐血口鼻俱出深村鍋底百草霜
右為末每二錢糯米飲調服得效一方取三
錢冷水調下

側柏散

治內損心肺吐血下血其出如涌泉口鼻皆
流瀆吏不救則成服此即安側柏葉蒸乾二
兩半荆芥穗燒灰人參各一兩右為末每三
錢入白麩二錢新汲水調如稀糊啜服經驗

藕汁散

治吐衄血不止生藕汁生地黃汁大薊汁各
三合生蜜半匙右件調和每服一小鍾
七生湯葉生藕節生韭菜生茅根各一兩生薑五錢

清熱解毒湯

治吐衄血升麻二錢生地黃一錢半黃
栝赤芍藥牡丹皮各七分乾葛黃連黃
芩苦黃梔子連翹甘艸各五分
右剉作一貼薑三片水煎服醫

花藥石散

治虛勞吐血五內筋損涌出升斗者花藥
石火煨研如粉右取童尿一鍾煎溫調
錢或五錢服之如男用酒一半女用醋一半與童
尿和服使瘀血化為黃水繼以他藥調治可久

五神湯

治婦人吐血生藕汁刺薊汁生地黃汁白蜜
各一盞生薑汁半盞右同煎三兩沸每取一
小盞調炒白麩
一錢服雲岐

狗膽丸

治連日吐血不止五靈脂為末狗膽汁和丸
芩實大每一丸薑酒化下不得飲口急進白
粥不可太
多入門

一方

治吐血不止將本人血關不臭可治若臭不可
治也將本人吐的血取來用磁鍋焙乾為末每
服一錢或一錢二分以麥門
冬煎湯調下血即止回春

薄厥證

入門曰一人素無病忽吐血半斗脉弦急陳
景魁示之曰薄厥證也得於大怒氣逆陰陽
奔併用六鬱湯
而得愈方見

咳血嗽血唾血咯血

咳血者咳甚出血本於肺龍腦雞
蘇丸雞藕散方見玄霜膏。嗽血
者痰嗽帶血本於脾六君子湯加桑白皮片苓枳
殼五味子有火者加味逍遙散方見痰飲。唾血
者鮮血隨唾而出本於腎滋陰降火湯方見
有紅絲乃是肺痿難治。咯血者咯出血膈或咯

而不出甚略則出或帶紅絲細如線此精血竭也
四物湯加竹瀝薑汁童便青黛或滋陰降火湯保
命生地黃散方見聖餅子入門。先見紅後見痰

多是陰虛火動痰不下降四物湯加貝母天花粉
以化痰山梔仁麥門冬牡丹皮以降火先痰嗽後

見紅多是痰火積熱降痰火為急宜山梔地黃湯
。痰嗽涎帶血出此胃口熱血蒸而出重者山梔

輕者藍實丹心。先吐痰後見血是積熱宜清肺
湯先吐血後見痰是陰虛宜滋陰降火湯回春。

咳嗽唾咯血宜龍腦雞藕丸河間生地黃散清火
滋陰湯清咳湯清咯湯清唾湯坎

膏膏方見玄霜雪梨膏恩袍散

龍腦雞藕丸

治咳嗽唾咯血薄荷一斤麥門冬四兩
蒲黃阿膠各二兩甘艸一兩半人參黃
芪各一兩右為末別以柴胡木通各二兩剉用湯
半椀浸二宿取汁用蜜二斤煉一二沸入生乾地
黃末六兩攪勻入柴胡木通汁慢火熬成膏然後
將前藥末同搜和為丸豌豆大熱水下二十九丸方

玄霜膏

治咯血吐血虛勞嗽神效烏梅汁梨汁柿霜
白砂糖白蜜蘿蔔汁各四兩生薑汁一兩赤
茯苓末八兩用乳汁浸晒九次款冬花紫菀末各
二兩共入砂鍋內熬成膏丸如彈子大每一丸臨
卧含化嚥
下入門

加味逍遙散

治痰中見血牡丹皮白朮各一錢半當
歸赤芍藥桃仁貝母各一錢山梔黃芩
各八分苦黃七分青皮五分甘艸
三分右剉作一貼水煎服入門

聖餅子

治咯血杏仁四十粒去皮尖研細同黃蠟炒
入青黛一錢捏作餅子用時以乾柿一枚破
開以餅置其中合定溼紙
包煨研爛米飲調服正傳

山梔地黃湯

治先吐痰後見血宜以降痰火為急山
梔仁一錢二分生地黃赤芍藥知母貝
母瓜蒌仁各一錢天花粉牡丹皮麥門
冬各五分右剉作一貼水煎服入門

清肺湯

先痰後血是積熱也赤茯苓陳皮當歸生地
黃赤芍藥天門冬麥門冬黃芩梔子紫苑阿
膠珠桑白皮各七分甘艸三分右剉作
一貼棗二枚烏梅一箇水煎服四春

河間生地黃散

治鬱熱衄吐咯唾血枸杞子柴胡黃
連地骨皮天門冬白芍藥黃芩黃芪
生地黃熟地黃甘艸各七分
右剉作一貼水煎服丹心

清火滋陰湯

治嘔吐咳嗽唾咯血天門冬麥門冬生
地黃牡丹皮赤芍藥山梔子黃連山藥
山茱萸澤瀉赤茯苓甘艸各七分
右剉作一貼水煎入童便服四春

清咳湯

治咳血當歸白芍藥桃仁貝母炒各一錢白
朮牡丹皮黃芩梔子炒黑各八分青皮苦黃
各五分甘艸三分右剉
作一貼水煎服四春

清咯湯

治咯血陳皮半夏茯苓知母貝母生地黃各
一錢苦黃梔子炒黑各七分杏仁河膠珠各

五分桑白皮一錢半甘草五分薄桂二分
分右剉作一貼薑三片水煎服 回春

清唾湯

治唾血知母貝母苦黃黃柏鹽水炒褐色熟地黃玄參遠志天門冬麥門冬各一錢乾薑炒黑五分右剉作一貼水煎服 回春

玄霜雪梨膏

治咳嗽唾咯吐血除勞心動火勞嗽久酸者不用生藕汁十鍾生地黃汁十鍾麥門冬煎取汁五鍾生蘿菈汁五鍾白茅根汁十鍾右汁合和重瀉去渣火上煎煉入煉蜜一斤餘糖八兩柿霜八兩薑汁半酒盞火上再熬如稀糊則成膏矣 每服三五匙日三服不拘時醫鑒

恩袍散

治咯血唾血吐血真生蒲黃薄荷各一兩右為末每三錢以桑白皮湯調下 綱目
內經曰胞移熱於膀胱則癢尿血仲景曰熱在下焦則尿血凡小便血出成淋作痛或雜尿而

尿血

出者從膀胱中來也如血出不痛乃心移熱於小腸從精竅中出也 正傳 小便出血而不痛者為

尿血非淋也是血從精竅中來乃心移熱於小腸四物湯加山梔滑石牛膝膠艾連或髮灰散琥珀散入門 小便出血是心伏熱在於小腸入正散見

便加麥門冬煎服 鉤玄 尿血宜清腸湯清熱滋陰湯小薊飲子薑蜜湯或四物湯合五苓散 方見煎服酒傷尿血茯苓調血湯色傷尿血鹿角膠丸

腎氣丸 方見 老人六味地黃丸 方見 婦人當歸散小兒立效散 有實熱當歸承氣湯下之 方見

髮灰散 治尿血亂髮燒存性為末每二錢以酸二合湯少許調服或以井華水亦得 綱目 髮灰

丸治同髮灰以側柏葉汁調糯米粉和 丸梧子大白湯吞下五十丸 正傳

琥珀散

治尿血琥珀為細末燈心薄荷煎湯調一錢服之 門入

清腸湯

治尿血當歸生地黃梔子炒黃連赤芍藥黃柏瞿麥赤茯苓水通篇蓄知母麥門冬各七

分甘艸五分右剉作一貼燈心
一團烏梅一箇水煎服四春

清熱滋陰湯

治尿血及便血生地黄黃麥門冬梔子炒
黑各一錢玄參牡丹皮各八分當歸川
芎赤芍藥各五分知母黃栢並酒炒白朮陳
皮甘艸各三分右剉作一貼水煎服醫案

小蘗飲子

治下焦結熱尿血藕節二錢當歸一錢山
梔仁八分小蘗生地黃滑石通艸蒲黃各
五分甘艸三分右剉作一
貼竹葉七片同煎服丹心

薑蜜湯

治小便出血生薑七片蜜半盞
白茅根一握右水煎服得效

茯苓調血湯

治酒麪過度房勞後小便出血半赤茯
苓一錢半赤芍藥川芎半夏麴各七分
前胡柴胡青皮枳殼苦黃桑白皮白茅根燈心甘
草各五分右剉作一貼薑五片蜜二匙水煎服得效

鹿角膠丸

治房室勞傷小便出血鹿角膠一兩炒作
珠沒藥油髮灰各六錢右為末取白茅根

汁打糊和丸梧子大空心
鹽湯吞下七十九丸得效

當歸散

治婦人尿血生地黄一錢半小蘗葉一錢當
歸羚羊角屑赤芍藥各一錢半右剉作一貼
水煎服丹心

立效散

治小兒尿血蒲黃生地黃赤茯苓甘草各一
錢右剉水煎服丹心。又甘草外麻煎水調

便血

內經曰結陰者便血一升再結二升三結三升釋
曰結陰之病陰氣內結不得外行血無所稟滲入
腸間故便血也其脈虛澀者是也因血結不行故
下也平胃地榆湯結陰丹主之。靈樞曰邪
在五藏則三陰脈不和陰脈不和則血留之蓋邪犯
入腸間而為便血入門。仲景曰先便後血者遠
血也黃土湯主之先血後便者近血也赤小豆當

歸散主之。便血宜胃風湯。方見清藏湯。榆砂湯。地榆散連穀丸。加減四物湯。槐花散。有實熱者。當歸承氣湯。日久便血。元氣下陷者。厚朴煎補中益氣湯。方見內傷。飲食者。平胃散。方見內傷。加枳殼槐花。當歸烏梅酒毒便血。酒蒸黃連丸。諸方。

平胃地榆湯

治結陰便血。蒼朮升麻附子炮各一錢。地榆七分。葛根厚朴白朮陳皮赤茯苓各五分。乾薑當歸神麴炒白芍藥益智仁人參甘草炙各三分。右剉作一貼。薑三棗二水煎服。寶鑑。

結陰丹

治結陰便血。枳殼威靈仙黃芪陳皮椿根白皮何首烏荆芥穗各五錢。右爲末。酒糊和丸。梧子大每服五七十九丸。陳米飲入醋吞下。寶鑑。

黃土湯

治先大便後下血。竈中黃土十二錢。熟地黃白朮附子炮阿膠珠黃芩甘草炙各一錢。右剉作一貼。水煎服。仲景。

赤小豆當歸散

治先下血後大便。赤小豆五兩。浸令芽出。曝乾。當歸一兩。右搗爲末。漿水調服。二錢。日三服。仲景。

清臟湯

治大便下血。生地黃一錢。當歸酒洗。地榆各八分。黃芩梔子炒黑。黃柏炒各七分。白芍藥黃連側柏葉阿膠珠各六分。川芎槐角炒各五分。右剉作一貼。水煎服。回春。

榆砂湯

治結陰便血。地榆四兩。縮砂七枚。研生甘草一錢。半炙。甘州一錢。右剉水煎服。入門。

地榆散

治遠年下血。地榆卷柏各五錢。右剉砂餅煮十餘沸。溫服。丹心。

連穀丸

治內傷下血。用此以解絡脈之結。黃連枳殼各二兩。剉以槐花四兩同炒。揀去槐花。右爲末。蒸餅和丸。梧子大白湯下。五七十九丸。入門。

加減四物湯

治便血亦治腸風。側柏葉生地黃當歸川芎各一錢。枳殼荆芥槐花炒甘草炙。

各五分右剉作一貼薑
二片烏梅一箇煎服效得

槐花散

治腸胃有溼脹滿下血槐花炒二錢蒼朮厚
朴陳皮當歸枳殼各一錢烏梅肉甘草炙各
五分右剉作一
貼水煎服丹心

當歸承氣湯

治實熱便血當歸二錢厚朴枳實大黃
各八分分送硝七分右剉水煎服丹心

厚朴煎

治便血及諸下血厚朴生薑各五兩同搗
炒黃白朮神麩麥芽五味子各一兩同炒黃
右為末水糊和丸梧子大米飲下百丸蓋脾胃本
無血緣氣虛腸薄自榮衛滲入而下用厚朴厚
胃麥芽消酒食白水導水
血自不作多有奇效入門

酒蒸黃連丸

治酒毒積熱便血肛門作熱黃連四兩
剉酒淹一宿日乾右為末粟米糊和丸
梧子大熟水下
二五十九丸得效

腸澼證

詳見
後陰

齒衄

入門曰血從齒齦出謂之齒衄又曰牙床屬胃牙
齒屬腎如陽明傳入少陰二經相併血出於牙縫
如吐者人多不覺其為牙血以凉水漱口則血止
少頃又來者是外用綠袍散散內服解毒湯傷寒合
犀角地黃湯或生地芩連湯下見

綠袍散

治齒縫出血不止黃柏薄荷芩硝青黛各等
分右為末入龍腦少許糝牙床即止入門

荊槐散

治牙宜出血荆芥穗槐花炒各等
分右為末常擦牙或點服得效

鬱金散

治齒齦出血鬱金白芷細辛各等分右為末
常擦牙仍以竹葉竹茹入鹽煎水含漱得效

小薊散

治牙宜出血百草霜小薊香附子蒲黃炒
各五錢右為末常指牙齒上立止得效

又方

齒縫多出血以鹽湯常常漱口仍以鹽末塗之
青竹茹醋浸一宿含嗽又竹葉濃煎入鹽含

漱又濃煎茗湯含嗽皆妙。本草。治牙疼牙宜出。血香附子末薑汁浸一宿漱口後揩齒得效。蒲口齒出血地骨皮煎。湯先漱後喫。綱目。

舌衄

入門曰血從舌出謂之舌衄。宜蚊蛤散。又方蒲黃炒為末糝之即止。又槐花炒為末糝之。又赤小豆一升搗碎和水取汁服之。本草。又方髮灰二錢醋二合調服且糝之。綱目。

蚊蛤散

治舌上出血如泉五倍于白膠香。牡蠣粉右等分為末糝患處得效。

血汗

內經曰少陰所至為衄。衄釋曰衄血汗也。河間曰膽受熱血妄行為衄。衄並血汗宜定命散。三因曰無病者汗出汚衣甚如胚染名曰血汗亦曰紅汗由大喜傷心喜則氣散血隨氣行也宜黃芪建中湯。虛勞兼服妙香散。神門見以金銀器入小麥麥門冬煎湯調下。又產婦血汗宜葎草汁方。治衄衄血汗朱砂寒水石麝香右等分為末每半錢新水調下。河間。

定命散

葎草汁方

治產婦因大喜汗出汚衣赤色葎草搗取汁二升入醋二合和之空腹飲。一盞或濃煮服亦可。三因。蠟皮肉主血汗。皮燒灰米飲調服肉煑食之。本草。

九竅出血

人卒大驚則九竅血皆溢。出謂之九竅出血。本草。傷寒少陰證醫者不識強發其汗則伏熱逼血從九竅而出。名為下厥上竭。不治。詳見寒門。九竅出血宜側柏散。方見上。又百草霜油髮灰龍骨末或吹入或糝之。入門。卒驚悸九竅血皆溢出新屠猪羊血熱飲二升即止。又人有九竅四肢指歧間出血暴驚所為取新生犢子臍中尿燒灰和水服。日三四次。又小蘗搗取汁一盞酒半盞調和頓服乾者為末冷水調服。本草。又法井華水卒喫其面勿冷病人先知之。本草。指縫癢痒成瘡有竅出血不止多年糞桶雜炭燒灰傳之即止。得效。血自皮膚閉濺出用煮酒瓶上紙碎揉如楊花以手捏在出血處即止。入門。腦中出血不止乃血虛也。宜服十全大補湯。入門。勞。

傷損失血

詳見諸傷

失血眩暈

海藏曰一切去血過多則必致眩暈悶絕凡崩中去血多援牙齒去血多金瘡去血多產後去血多皆有此證宜大劑芎歸湯方見婦人煎服救之。吐衄太甚不止當防其血暈茅根燒烟將醋灑之冷鼻嗅氣以遏其勢或驚然以冷水噴其面使驚則止入門。失血多眩暈不省宜生地芩連湯救之又全生活血湯方見肥門亦佳入門血暈者皆因去血過多虛而成暈脈微澀也急用芎歸湯救之繼用加味四物湯回春。吐衄血過多昏迷不省生地黃三五斤取汁連飲不暇取汁生吃呷汁以淹塞鼻神效又好墨濃磨汁飲之仍點入鼻中本草

生地芩連湯

治婦人因崩漏大脫血或男子去血過多因潤燥循衣摸床撮空閉目不省揚手擲足錯語失神鼻乾氣促生地黄川芎當歸各一錢半赤芍藥山梔子黃芩黃連各七分防風

二錢右剉水煎徐徐呷下此危證也以此救之入門

加味四物湯

治血虛眩暈卒倒不可艾灸驚哭抖動動則來虛而矣當歸川芎白芍藥生地黃熟地黃黃芪人參白朮陳皮白茯苓茶穗甘艸各七分右剉棗二枚烏梅一箇煎服回春

黑藥止血

綱目曰燒灰諸黑藥皆能止血經曰北方黑色入通於腎夫血者心之色也血見黑即止者由腎水能制心火故也。止血宜五灰散十灰散十灰丸如百草霜松烟墨油髮灰新綿灰棕櫚灰梔子乾柿荊芥蓮房蠟皮牛角鯁之類皆可燒灰單服

五灰散

治一切失血及血崩蓮蓬殼黃綿亂髮百草霜棕櫚皮右各燒存性等分加梔子炒黑蒲黃炒松烟墨血竭共為細末每三錢以生藕汁生羅薑汁調服之或蜜丸水飲下五十九丸亦回春

十灰散

治嘔吐咯嗽血及虛勞大吐血木薊小薊柏葉荷葉茅根茜根大黃梔子棕櫚皮牡丹皮

各等分右燒存性出火毒研為極細末用生藕汁或蘿菈汁磨松墨半椀調服五錢即止新書

十灰丸

治血崩及一切失血黃絹灰馬尾灰藕節灰艾葉灰蒲黃灰蓮蓬灰油髮灰棕櫚灰赤松皮灰新綿灰各等分右為末以醋煮糯

禁忌

內經曰鹹走血血病無多食鹹又日久視傷血凡血少血虛人針刺出血過多皆為禁忌

治血藥法

丹溼曰凡用血藥不可單行單止又不可純用寒涼藥必加辛溫升藥如用涼藥用酒蒸酒炒之類乃寒因熱用也又日久患血證血不歸元久服藥而無效者以川芎為君則效大凡血見熱則行見寒則凝見黑一作灰則止丹心凡嘔吐血若出未多必有瘀於胃膈者當先消瘀而涼之止之消瘀宜犀角地黃湯涼血宜陶氏生地芩連湯止醒宜側柏散狗膽丸入門桃仁紅花蕪木血竭牡丹皮者血帶所宜蒲黃阿膠地榆百草霜棕櫚灰者血崩所宜乳香沒藥五靈脂凌

花者血痛所宜菝葜蓉鎖陽牛膝枸杞子益母草夏枯草敗龜板者血虛所宜乳酪血液之物血燥所宜乾薑肉桂之屬血寒所宜生地黃苦參屬血熱所宜丹心。治血防風為上使連翹黃連為中使地榆為下使不可不知丹心。凡血結之證皆用醋湯和之為妙直指炙甘草炮乾薑每三錢煎服治男女失血不能引氣歸元甚效丹心。血不足須用甘州血色赤黑用熟地黃血色鮮紅用生地黃若脈洪實痛甚用酒大黃和血止痛用當歸東垣

通治血病藥餌

一切失血諸病通用四物湯補榮湯保命生地黃散清熱滋陰湯方見上坎窩

膏固榮散血餘散側柏湯童子尿

四物湯

通治血病熟地黃白芍藥川芎當歸各一錢二分半右剉作一貼水煎服局方。一方春倍川芎夏倍芍藥秋倍地黃冬倍當歸。春加防風夏加黃芩秋加天門冬冬加桂枝綱目。當歸

和血歸經芍藥涼血補腎生地黃生血寧心熟地黃補血滋腎川芎則行血通肝丹心。劉宗厚曰欲求血藥其四物之謂乎夫川芎血中氣藥也通肝經性味辛散能行血滯於氣也地黃血中血藥也通腎經性味甘寒能生真陰之虛者也當歸分三治血中主藥也通肝經性味辛溫全用能活血各歸其經也芍藥陰分藥也通脾經性味酸寒能涼血又治血虛腹痛若求陰藥之屬必於此而取焉

補榮湯

通治諸失血當歸白芍藥生地黃熟地黃赤茯苓梔子仁麥門冬陳皮各一錢人參甘草各五分右剉作一貼棗二枚烏梅一箇水煎服而春

保命生地黄散

治鬱熱衄吐便尿諸失血無寒證者生地黄熟地黃枸杞子地骨皮天門冬白芍藥黃芪柴胡各一錢黃芩黃連甘草各五分右剉作一貼水煎服脈微身涼加桂皮丹心

次膏

治陰虛火動致衄吐咳嗽咯唾血黃栢知母兩杏仁七錢胡桃仁去皮淨四兩白蜜四兩右先將黃栢知母剉入童便三椀側柏葉一把煎至四椀去渣又將天麥門冬生熟地黃入汁內添水二椀再煎去滓其滓再搗爛如泥別用水一二椀熬熟絞汁入前汁將杏桃仁搗爛再濾去渣同蜜入前汁內熬成膏磁罐收貯封口沉水虫一日去火毒每服三五匙柏葉湯調空

固榮散

治吐衄便尿一切失血真蒲黃地榆各一兩白芷五錢甘草二錢半右為末每服四錢溫酒調服丹心

血餘散

治衄吐便尿一切失血兼治內崩亂髮以皂角水淨洗晒乾燒灰為末每二錢白茅根煎湯調下或醋湯調下丹心。作丸名髮灰丸見上

側柏湯

治吐衄血崩血痢一切失血之疾，搽葉晒乾煎湯代茶吃，止血滋陰。一名柏湯，一名柏茶，皆同。

童子尿

諸虛吐衄咯血藥中每入童便一合，其效甚速。凡單用重湯頓服無不效，應蓋洩尿降火滋陰又能消瘀血，止吐衄諸血。先賢有言：凡諸失血服寒涼藥十無一生，服洩尿者百無一失。斯言信矣。用童便一鍾入薑汁二三點攪勻徐徐服之，日進一三次為佳。醫鑒。

單方 凡二十二種

百艸霜

深村鍋底者佳，刮取細末用之。凡血見黑則止。此藥主之能治諸失血，或吹入竅中或為散冷水調服，或作丸服皆佳。本草。

井華水

治凡竅出血及衄血不止，以水卒然噴而勿令病人先知之。本草。

生地黄

治吐衄便尿一切失血，取汁飲半升，日三或和薄荷汁，或和生薑汁皆效。丹心。

車前草葉及根

止衄吐血尿血，取汁服五合。本草。

蒲黃

止一切血，破血即生，用補血即炒用冷水調二三錢服。本草。

芎藭

能行血治吐衄便尿一切失血，煎服末服並佳。本草。

當歸

治一切血，能和血行血養血。芎藭當歸合為芎歸湯，為血藥第一綱目。

茜根

治吐衄便尿崩中一切血疾，搗為末每二錢水煎服。本草。

白茅根

能止血治吐衄便尿一切血疾，水煎服之。茅花同功。本草。

艾葉

治吐衄便尿一切失血，搗取汁飲乾者煮服。本草。

地榆

止衄吐血偏主結陰，便血水煎服之。本草。

大小薊

俱治一切血疾能破血止血生痔取

鬱金

止吐衄血破惡血為末以童便薑汁好酒相和調服又治痰血取末和非汁童便服之其血自

消丹

白芨

治衄吐咳唾咯血冷水調末三錢服神妙采飲調亦可細目。白芨至血竅則填補故血止昔

有一疾因拷掠遍身吐衄並流血常服白芨末止後凌遲僧者開胃見白芨末皆填補肺竅云

槐花

涼血能止咯唾血及下血炒為末熱酒取末二錢調服又治齒衄舌衄為末炒之丹心炒煎服

亦可

側柏葉

治吐衄便尿一切失血之證止血滋陰為末水飲調服或煎服皆可取汁服亦佳入門

松烟墨

能止一切失血以生地黄汁磨服之或井水磨服之丹心

生藕汁

消瘀血能止一切出血取汁飲之或合地黄汁熱酒童便服並得

韭汁

止吐衄咯唾血善消胃膈閉瘀血凝滯取汁冷飲三四盞必胸中煩燥不寧後自愈丹心

亂髮灰

止一切失血吐衄便尿九竅出血皆治之取末醋湯或井華水調二錢服作九服亦可

諸血

補人身血不足百無血色者並生飲之六畜及獐鹿之血皆可本草。虛勞吐血飲黑狗血神

效

蘿蔔汁

治衄吐咳唾痰血取汁入鹽少許服之或和酒飲之即止蓋氣降則血止種杏

鍼灸法

衄血下血取隱白大凌神門大谿易老。衄血灸額會上星資生。衄宜灸大頰瘻門即止。衄血取上星風府瘻門合谷內庭三里照海。衄血取風府大頰瘻中上腕中腕氣海關元三里。衄血灸大陵得效。嘔血取上腕大陵

郟門神門東垣。關脉乳大便出血數斗者以膈
俞傷故也。安灸膈俞脉經。虛勞吐血灸中腕三
百壯又吐血唾血灸肺俞隨年壯又口鼻出血不
止名腦鯁灸上星五十一壯得效。下血不止量臍
心與脊骨平於脊骨
上灸七壯即止。資生

夢

魘鬼為夢

凡夢皆緣魘鬼役物又曰形接而為事神遇
而為夢。類聚。古之真人其寢不夢寢不夢
者神存故也。正理。心實則夢可憂可驚可怪之
事。虛則魘鬼飛揚紛紜多夢。宜別離散益氣安神
湯入門。邪客使魂魄不安者血氣少也。血氣少
者屬於心。心氣虛者其人多畏。食日欲眠。夢遠行
而精神離散。魘鬼安行。陰氣衰
者為癩。陽氣衰者為狂。仲景

別離散

治心風為病男夢見女女夢見男宜此去邪
使不復見故云別離白朮一兩天雄附子肉

桂乾薑茜根各三錢茵芋葉桑寄生各五錢細辛
菖蒲各二錢右為末每二錢空心白湯調下熱者
去雄附薑桂加知母黃柏各
三錢常歸地黃各五錢入門

益氣安神湯

治七情六淫相感而心虛夜多夢寐睡
卧不寧恍惚驚悸當歸茯神各一錢生
地黃麥門冬酸棗仁炒遠志人參黃芪蜜炒牛膽
南星竹葉各八分小草黃連各四分右剉作一貼
薑三片棗二枚
水煎服回春

淫邪發夢

黃帝問曰淫邪淫何岐伯對曰正邪從
外襲內而未入有定舍反淫于藏不得定處與
榮衛俱行與魂魄飛揚使人卧不安而喜夢是以
陰氣盛則夢涉大水而恐懼陽氣盛則夢大火而
燔灼陰陽俱盛則夢相殺上盛則夢飛下盛則夢
墮甚飢則夢取甚飽則夢與肝氣盛則夢怒肺氣
盛則夢哭泣心氣盛則夢善笑恐畏脾氣盛則夢
歌樂身體重不舉腎氣盛則夢腰脊兩解不屬。

又曰厥氣客于心則夢見丘山烟火客于肺則夢
飛揚見金鐵之奇物客于肝則夢山林樹木客于
脾則夢見丘陵大澤壞屋風雨客于腎則夢臨淵
沒居水中客于膀胱則夢遊行客于胃則夢飲食
客于大腸則夢田野客于小腸則夢聚邑街衢客
于膽則夢鬪訟自刺客于陰器則夢接內客于項
則夢斬首客于脛則夢行走而不能前及居深地
節死中客于股肱則夢禮節拜起客于胞膈則夢
洩便靈樞。一婦人常夢與鬼神交驚怕異常及見
神堂陰司舟楫橋梁如此十五年竟無姪娠諸治
無效戴人曰陽火盛于上陰水盛于下見鬼神者
陰之靈神堂者陰之所舟楫橋梁水之用也診之
兩手寸脉皆沉而伏知其胃中有痰實也凡三
漏三泄三汗不旬日而無夢一月而有娠子和

五藏虛實為夢

肝氣虛則夢見菌香生草實則夢伏楫
夢燔灼脾氣虛則夢飲食不足實則夢染垣蓋屋
肺氣虛則夢見白物見人斬血藉藉實則夢見兵

則夢伏水中若有畏恐內經

陽氣之出入為寤寐

鄭康成曰口鼻之呼吸為寤耳目之聰明為魄以
耳目與口鼻對言則口鼻為陽耳目為陰以耳目
口鼻與藏府對言則耳目口鼻為陽藏府為陰故
陽氣行於陽分二十五度於身體之外則耳目口鼻
皆受陽氣所以能知覺視聽動作而寤矣陽氣行
於陰分二十五度於藏府之內則耳目口鼻無陽氣
運動所以不能知覺而寐矣
明者豈非陽氣為之乎入門

昏沉多睡

靈樞曰足太陽有通項入于腦者正屬目日本
名曰眼系在項中兩筋間入腦乃別陰陽
陽氣盛則眼目陰氣盛則眼目昏沉
陽氣盛則眼目陰氣盛則眼目昏沉
陰常留於陽留於陽則陽氣滿陽氣滿則陽盛
不得入於陰故目不瞑又曰衛氣留於陰不得行

東醫寶鑑卷之六

二十三

於陽留於陰則陰氣盛陰氣盛則陰踴滿不得入於陽故目閉入門。傷寒之邪傳入陰則多眠昏昏閉目者陰主闔也。然不欲言者陰主靜也太陽證已解而多眠者不必藥也。陽明證熱伏於裏而多眠者宜小柴胡湯。方見寒門。少陰之證脈微細但欲寐蓋寤則行陽寐則行陰必從足少陰始故少陰病但欲寐宜茯苓四逆湯。方見寒門。以益陰回陽或熱病得汗後脈沉細身冷喜臥昏沉不省亦急與四逆湯。令四肢溫不爾有熱睡而死者惟汗下後酣眠者為正氣已復不必藥也。入門。風溫多眠狐惑多眠。並見本門。

虛煩不睡

靈樞曰黃帝問曰人之目不眠不卧者何氣使然。伯高對曰衛氣晝日行於陽夜行於陰常從足少陰之分間行於五藏六府。今厥氣客於藏府則衛氣獨衛其外不得入於陰行於陽則陽氣盛陽氣盛則陽蹻陷不得入於陰陰氣虛故目不眠飲以半夏湯一劑陰陽已通其卧立至。其

以派水千里外者八升揚之萬遍取其清五升煮之炊以葦薪火沸置秫米一升治半夏五合徐炊令竭為一升半去其渣飲汁一小盃日三服益以知為度其病新發者覆盃則卧汗出則已矣。久者三飲而已也。身不覺熱頭目昏疼口乾咽燥而不渴清酒不寐皆虛煩也。三因。大病後虛煩不睡溫膽湯主之。甚者益元散。方見暑門。加朱砂牛黃服之。入門。但獨熱者虛煩也起卧不安睡不穩謂之煩空。竹葉石膏湯。方見寒門。酸棗仁湯。方見不寐有。二種。大病後虛弱及年高入陽衰不寐者六君子湯。方見痰門。加炒酸棗仁如痰在膽經神不歸舍而不寐者溫膽湯加南星酸棗仁炒。虛煩者心胸煩擾而不寧也。內經曰陰虛則內熱今之虛煩多是陰虛生內熱所致是故傷寒吐下後及霍亂吐瀉後津液枯竭多有虛煩之證。虛煩不睡宜寧志膏酸棗仁湯高枕無憂散真珠母丸獨活湯。勞心膽冷夜卧不睡定志丸。方見神門。加酸棗仁炒。子仁炒朱砂乳香為衣。棗

湯下五十九丸，加味溫膽湯亦王_之醫鑒
○癲狂不睡傷寒不睡 並見各門

酸棗仁湯

治虛煩不睡及傷寒吐下後虛煩不睡石
膏二錢半酸棗仁炒人參各一錢半知母
赤茯苓甘草各一錢桂心五分
右剉作一貼薑二片水煎服門

溫膽湯

治心膽虛怯觸事易驚夢寐不祥虛煩不得
睡半夏陳皮白茯苓枳實各二錢青竹茹一
錢甘草五分右剉作一貼薑五片棗二枚水煎服
醫鑒。驚悸怔忡失志不寐皆是痰涎沃心互理
痰氣此藥
王_之醫鑒

加味溫膽湯

治法同上半夏三錢半陳皮二錢二分
竹茹枳實各一錢半酸棗仁炒遠志五
味子人參熟地黃白茯苓甘草各一錢右剉分作
二貼薑五片棗二枚水煎服 回春。前方加酸棗
仁五味子遠志人參熟地黃
也心肝氣血虛者尤宜服之

寧志膏

治虛煩不得睡或夢涉危險睡臥不寧酸棗
仁炒二兩入參一兩朱砂五錢乳香二錢生
右為末煉蜜和丸彈子大每一丸溫酒化下大棗
湯亦可局方。婦人失血過多心神不安不得睡
臥朱砂酸棗仁炒人參白茯苓神琥珀各七錢半乳
香二錢右為末每一錢燈心棗子煎湯調下 大全
良方

酸棗仁湯

治不睡及多睡酸棗仁微炒人參白茯苓
各等分右為末每一錢水一盞煎至七分
如要睡即冷服如不
要睡即熱服 醫鑒

高枕無憂散

治心膽虛怯晝夜不睡百方不效服此
如神人參五錢石膏三錢陳皮半夏白
茯苓枳實竹茹麥門冬龍眼肉甘草各一錢半
酸棗仁炒一錢右剉分作二貼水煎服 醫鑒

真珠母丸

治神竅不寧驚悸不得睡真珠母七錢半
熟地黃當歸各一兩半人參酸棗仁炒栢

子仁犀角白茯神各一兩沉香龍齒各五錢右爲末蜜丸梧子大朱砂爲衣每四五十九丸薄荷湯下日二服此方真珠母爲君龍齒佐之真珠母入肝經爲第一龍齒與肝同類也龍齒虎睛人皆以爲鎮心藥殊不知龍齒安龍虎睛定魄龍能變化故龍遊而不定虎能專靜故魄止而有守若魄不寧者宜用虎睛龍齒飛揚者宜用龍齒本事

獨活湯

治同上獨活羌活人參前胡細辛半夏沙參五味子白茯苓酸棗仁炒甘草各七分右剉作一貼薑三片烏梅一箇水煎服本事

寃離不睡

四明董生患神氣不寧每臥則寃魄飛揚覺身在床而神寃離體驚悸多魘通夕無寐更醫不效許學士診之曰以脉言之肝藏受邪非心病也平人肝不受邪則寃歸於肝神靜而得寐今肝氣因虛邪氣襲之肝藏魂者也肝有邪則魂不得歸是以臥則魂飛揚若離體也肝主怒

故小怒則劇遂處以真珠母丸獨活湯

二方以贈服一而病悉除本方規上

思結不睡

一婦人因思慮過傷二年不得寐戴人曰其夫議以怒激之多取財飲酒數日不處一方而去其婦大怒汗出是夜困卧如此者八九日不寤自是食進其脉得平此因膽虛不能制脾之思慮而不寐今激之以怒膽復制脾故得寐也子和

老少之睡不同

黃帝問曰老人之不夜眠少壯之不晝眠者何氣使然岐伯答曰壯者之氣血盛其肌肉滑氣道通榮衛之行不失其常故晝精而夜瞑老者之氣血衰其肌肉枯氣道澀五藏之氣相搏其榮氣衰少而衛氣內代故晝不精而夜不眠靈樞

睡辨陰陽虛實

傷寒及雜病多睡者陽虛陰盛也無寐喜暗者屬陰元氣虛也睡向壁者屬陰元氣虛也睡向外者屬陽元氣實也回春

卧不安

人卧则血歸於肝。今血不靜卧，不歸肝，故驚悸而不得卧也。綱目。黄帝問曰：人有卧而有不安者，何也？岐伯對曰：藏有所傷，及精有所倚，人不能知其病，則卧不安。內經十四友丸主之。亦治心肝虛，睡卧不安。方見神門。帝曰：人之不得偃卧者，何也？岐伯曰：肺者藏之蓋也。肺氣盛，則肺大，肺大則不能偃卧。肺一作脉。又曰：足三陽者下行，陽明者胃脉也。其氣亦下行，陽明逆不得從其道，故不得卧也。下經曰：胃不和則卧不安。夫不得卧，喘者是水氣之客也。內經。

身重嗜卧

黃帝曰：人之多卧者，何氣使然？岐伯曰：此人氣留久，皮膚溼，則分肉不解，其行遲。夫衛氣者，晝行於陽，夜行於陰，故陽氣盡則寐，陰氣盡則寤。故腸胃大則衛氣行留久，皮膚溼，分肉不解，則行遲。留於陰也。久其氣不精，則目瞑，故多卧矣。靈樞。肝虛腎虛脾虛，皆令人體重煩冤。釋曰：肝虛則脾寡，于畏而體重，腎虛則脾勝之，而體重。又曰：脾病者，身重，又曰：足太陰之脉病，身體皆重。內經。急者，嗜卧。卧者，脾胃有溼也。宜平胃散。方見內傷。身重也。東垣。

惡人欲獨處

者身重，又曰：足太陰之脉病，身體皆重。內經。急者，嗜卧。卧者，脾胃有溼也。宜平胃散。方見內傷。身重也。東垣。內經曰：足陽明之脉是動則病，惡人與火，欲獨處。又曰：陽明厥則喘而惋，惋則惡人。釋曰：惋謂熱內鬱而煩也。

寢睡法

散蓋舒卧，則招魔引魅。孔子寐，不尸，蓋謂是也。活人心。不得晝眠，令人失氣。又曰：暮卧常習閉口，開口即失氣。且邪惡從口入，成病。又曰：屈膝側卧，益氣力，勝正偃仰。按孔子不尸，故曰：睡，不厭。睡覺不厭，舒凡尸睡，則有鬼。疰魔邪，又曰：人臥，夜常作五度反覆，逐更轉，得效。夜不安，寢衾厚，熱壅，故也。當急去之，仍拭汗孔，或薄而寒，即加之。睡自穩也。飢而睡不安，則宜少食飽而睡不安，則宜啜茶少行坐。東垣。睡置燈燭，令人神不安。活

辟惡夢

人心。凡人常臥不安，仰臥以手覆心上，則必魔不得寤。若暗中著魔，不得以火照之，亦不得近前急呼，但捻下心上，手然後慢慢覺，以見英，未或半夏末吹入鼻中，即醒。千金

夜夢惡，不須說，且以水面東持刀，嘿之，咒曰：惡夢著草木，好夢成珠玉，即無咎矣。又夢之善惡，並勿說為吉，得效。麝香久服，不夢寤。又將真麝一劑，安枕合中，枕之，除邪辟惡夢。本草。蘇合香合人無夢，魔或服，或帶之。本草。虎頭為枕，枕之，辟惡夢，除魔寐。本草。犀角除魔寐，或服，或帶之。本草。羚羊角安心氣，不令魔寐，除邪氣驚夢。本草。

用藥法

虛而多夢紛紜，人參龍骨加而用之。本草。膽虛不眠，寒也。酸棗仁炒末，竹葉煎湯調服。膽實多，睡熱也。酸棗仁生為末，以薑汁炒，臘茶煎湯調服。海藏。一人因恐得病，如人將捕，睡卧不安，飲食不知味，以人參白朮當歸身為君，陳皮為佐，加鹽炒黃柏炙玄參各少許，為使，煎服，月餘而安。此

單方

凡十八種
因恐傷腎，故以鹽炒黃柏炙玄參引參歸等藥入腎也。丹心

鹿頭肉

治煩悶多夢及夜夢見鬼物，煮汁飲，食其肉。本草。

安息香

治婦人夜夢鬼交，以雄黃合為丸，燒熏丹穴，永斷。本草。

苦竹葉

治虛煩不睡，煮服之。本草。

小麥

治虛煩少睡，煮服之。本草。

酸棗仁

睡多則生，用不得睡，則炒熟用之。本草。

榆白皮

治不睡，嵇公云：榆令人瞑，是也。初生英仁，以作糜羹服之，令人多睡。本草。

林檎

治不睡多食，則令人好睡。本草。

木槿

煮作飲服之命
人得睡本草

蕨

食之命入
多睡本草

蓴

常食命入
覺睡本草

沙參

治多睡常欲眠煮
服或作羹食之本草

通草

療脾疽常欲眠
煮服之本草

烏梅

治不眠作茶飲
命得睡本草

茶

令人少睡溫服
除好睡本草

苦菜及苦苣

皆食不睡久
食之少睡本草

伏翼

取血滴目中
令不睡本草

馬頭骨

主喜睡作枕枕
之令不睡本草

草决明子

久服令人
不睡本草

鍼灸法

膽寒不得睡臥取竅陰。沉困睡多無名指第
一節尖屈指取之灸一壯。細目。驚悸不得眠
取陰交不得卧
取浮郄甲乙

聲音

聲音出於腎

心為聲音之主肺為聲音之門腎為聲音
之根風寒暑溼氣血痰熱邪氣有王於心
肺者病在上腕隨證解之邪氣散則天賴鳴矣若
夫腎虛為病不能納諸氣以歸元故氣逆而上咳
嗽痰壅或喘或脹胸腹百骸俱為之牽制其嗽愈
重其氣愈乏其聲愈乾矣直指。一小兒吐瀉錢
氏與瓜蒌湯方見小兒得愈其兒又不太小便他
醫以藥利之愛身令不飲食錢氏用益黃散使君

良醫寶鑑卷之五十一
二十九

子丸果身溫而能飲食其見又不語錢氏曰此因
涼藥利小便致脾腎俱虛今脾已實腎尚虛用六
味地黃丸方見虛勞一月而痊錢乙。腎虛聲不
出安服人參平補湯大病後失音宜服腎氣丸
見虛勞

人參平補湯

治腎虛聲不出人參川芎當歸熟地黃
白芍藥白茯苓兔絲子五味子杜仲巴
戟橘紅半夏麩各六分牛膝白朮破故紙胡蘆巴
益智甘州炙各三分石菖蒲二分右剉作一貼薑
三片棗二枚水煎於五更初腎氣開時不許咳
睡言語默默服之直指。回春名滋腎湯與此同

聽聲音辨病證

內經曰視喘息聽聲音而知所苦又曰
中盛藏滿氣勝傷恐者聲如從室中言
是中氣之溼也。靈樞曰病人語聲宋宋然善驚
呼者骨節間病語聲喑喑然不徹者心膈間病語
聲啾啾然細而長者頭中病。又曰聞而知之謂
之聖。難經曰聞而知之者聞其五音以別其病

卒然無音

也假如肝病則聲悲肺病則聲促心病則聲雄脾
病則聲慢腎病則聲沉大腸病則聲長小腸病則
聲短胃病則聲速膽病則聲清膀胱病則聲微
春。內經曰聲合五音入門曰金聲響土聲濁木
聲長水聲清火聲燥。土音如居深瓮中言又
曰溼喉則音聲如從瓮中出溼若中水也東垣
黃帝問曰人之卒然憂恚而無音者何道之
塞何氣出行使音不彰願聞其方少師答曰
咽喉者水穀之道也喉嚨者氣之所以上下者也
會厭者聲音之戶也口唇者聲音之竅也舌者聲
音之機也懸雍垂者聲音之關也頰頰者分氣之
所泄也橫骨者神氣之所使主發舌者也故人之
鼻洞涕出不收者頰頰不開分氣失也是故厭小
而薄則發氣疾其開闔利其出氣易其厭大而厚
則開闔難其氣出遲故重言也人卒然無音者寒
氣客于厭則厭不能發發不能下至其開闔不致
故無音靈樞。醉臥當風使人失音得效。卒失
音宜荊蘇湯人參荊芥散射于湯。人患卒瘖取

杏仁七錢生熬桂心末二錢半和搗如泥取李核
大綿裹合嚙汁日五夜三本草。又方苦竹葉濃
煎服又橘皮濃煎頻服本州。風令卒失音紫蘇
葉荊芥穗各一兩搗取汁入酒相和溫服半盞
荊蘇湯 治感風寒卒瘖及失音通用荊芥穗紫蘇葉
木通橘紅當歸桂石菖蒲各一錢右剉作
一貼水煎
服直指

人參荊芥散 治感冒風寒言語不出咽乾鼻涕入參
荊芥穗陳皮苦黃半夏細辛杏仁通草
麻黃甘草各一錢右剉作
一貼薑五片水煎服丹心

射干湯 治天行暴寒熱伏於內咳嗽不得息喉瘖失
聲或乾嗽無唾喉中如梗半夏二錢杏仁陳
皮桂心枳實各一錢射干當歸獨活麻黃紫苑
甘草各五分右剉作一貼薑五片水煎服仲景

因雜病失音 中風人飲食坐臥如常但失音不語俗呼
為瘖風小續命湯方見風門去附子加石

菖蒲一錢或訶子清音湯亦可方見下醫鑑。因
咳嗽失音人參清肺散杏仁煎蛤蚧丸。痰塞失
音安玉粉丸芎辛散。虛損憔悴氣血不足失聲
音久病安天真丸方見虛勞服過半月言語自然
有聲得效。因謳歌失音空響聲破笛丸。因
因喉痛生瘡聲瘖空通隘散方見咽喉。瘡瘡後
失音空馮氏天花散方見小兒。產後
失音言不出空扶苓補心湯方見血門

人參清肺散 治痰嗽咽乾聲不出人參陳皮貝母炒
枳殼杏仁黃連各一錢款冬花七分麥門冬地骨
皮甘草各五分五味子二十箇右剉分作二貼每
服薑二片水
煎服丹心

杏仁煎 治咳嗽失音聲不出杏仁泥白蜜砂糖屑生
薑汁各一盞桑白皮木通貝母炒各一兩半
紫苑五味子各一兩石菖蒲五錢右六味剉以水
五升煎至半升去滓入杏蜜糖薑再煎成稀膏每

取一匙含化嚥下或加知母款冬花尤效直指

聆聆丸

治肺間積血作痛失音及久嗽失音聆聆丸對醋炙訶子肉阿膠珠生地黃麥門冬細辛甘草各五錢右為末蜜丸如棗大每下一丸含化丹心

玉粉丸

治冬月寒痰結塞語聲不出半夏洗薑製五錢草烏熟炒桂心各二分半右為末薑汁浸蒸餅和丸芡實大每下一丸至夜含化年久者亦效綱目

芎辛散

治熱痰壅盛失音聲不出是燥熱所致用此即效川芎細辛防風苦黃白芷羌活桑白皮各一錢甘草五分右剉作一貼入薑二片薄荷三葉水煎服得效

響聲破笛丸

治因謳歌失音薄荷四兩連翹苦黃甘草各二兩半百藥煎二兩川芎一兩半縮砂訶子炒大黃酒炒各一兩右為末雞子清和丸彈子大每一丸臨臥化嚥下四春

厥氣為瘖

厥氣走喉而不能言手足青大便秘不利取足少陰又曰人卒然無音刺之奈何岐伯曰足之少陰上繫於舌絡於橫骨終於會厭兩瀉其血脈濁氣乃發靈樞一男子久病痰嗽忽感風寒食其厭乃發靈樞酒肉遂厥氣走喉病暴瘖灸豐隆一穴各三壯照海二穴各一壯其聲立出仍用黃芩降火為君杏仁陳皮苦黃瀉厥氣為臣訶子泄逆氣甘州和元氣為佐服之良愈綱目

瘖瘖有二

瘖者邪入陰分也內經曰邪搏陰則為瘖又曰邪入於陰搏則為瘖然有二證一曰舌瘖乃中風舌不轉運之類是也二曰喉瘖乃勞嗽失音之類是也蓋舌瘖但舌本不能轉運言語而喉咽音聲則如故也喉瘖但喉中聲嘶而舌本則能轉運言語也綱目

聲嘶

五藏久咳則聲嘶聲嘶者喉破也非咽門病也得效用力顫掉聲嘶乃氣虛衛冷甚也入門咳

嗽聲嘶者血虛受熱也用青黛蛤粉蜜調作丸含化丹心。聲嘶宜柴胡升麻湯潤肺丸蜜脂煎。

柴胡升麻湯

治傷寒咳嗽聲嘶或咽痛柴胡黃芩半夏升麻乾葛枳實苦黃知母貝母玄參

桑白皮甘草各七分右剉作

一煎薑二片水煎服醫鑿

潤肺丸

治久嗽聲嘶語音不出訶子皮五倍子五味子片苓甘草各等分右為末蜜丸櫻桃大每

一丸嚙化

燕下入門

蜜脂煎

治暴失音聲嘶常服潤肺丸猪脂二斤熬去渣入白蜜一斤再煉少頃瀝淨入磁器內俟成

膏不拘時服

服一匙入門

腎怯與失音相似

病吐瀉及大病後雖有聲而不能言又能進藥此非失音乃腎怯不能上

接於陽故也當補腎地黃丸方見虛勞

主之失音乃感風寒卒病耳錢仲陽

息有音

不得臥而息有音者是陽明之逆也足三陽者下行今逆而上行故息有音也陽明者胃脈也

陽明逆不得臥從其道故不得臥也夫起居如故而

息有音者此肺之絡脈逆也絡脈之病人也微故

起居如故而息

有音也內經

不治證

內傷虛損咽瘡失音者無治法入門。病人五藏已奪神明不守聲嘶者死扁鵲。病人陰陽

俱絕失音不能言者三日半死華佗

傷寒狐惑聲症

小兒疳痢聲症

並見本門

通治聲音藥

尋常聲音不清宜加味固本丸加味上清丸喉嚨丸發聲散訶子散訶子清音湯出聲

方音

加味固本丸

治男女聲音不清或失音生乾地黃熟地黃當歸黃柏蜜炙白茯苓各一兩天

門冬鹽炒麥門冬鹽炒知母訶子阿膠珠各五錢
人參三錢烏梅十五箇取肉人乳牛乳梨汁各一
椀右爲末和勻蜜丸黃豆大以訶子湯或蘿
蔔湯下入十丸或百丸醫鑑名鐵笛丸

加味上清丸

清聲潤肺止咳嗽爽氣寧神白砂糖八
兩薄荷葉四兩柿霜四兩玄明粉鵬砂
寒水石烏梅肉各五錢片腦五分右爲末甘草水
熬成膏和丸芡實大每一丸噙化茶湯下回春

察曉丸

治久失音聲瘵香椿芽汁四兩如無用淡香
椿芽爲末四兩代之人乳白蜜梨汁各四兩
右和勻重湯煮熟不拘
時服白湯送下回春

發聲散

治語聲不出黃瓜萋一箇剉焙苦黃七錢半
生半炒白殭蚕炒五錢甘草炒二錢右爲末
每三錢溫酒調下
或薑湯調下海藏

訶子散

治咳嗽聲音不出訶子皮三錢半生半炒苦
黃五錢半生半炒甘草二錢半生半炒木通
三錢右剉分二貼每一貼水煎去滓
入生地黃汁一小盞臨臥嚥下丹心

清音散

治聲音不清與上訶子散同但
苦黃生用木通半生半炒醫鑿

訶子清音湯

治諸風失音不語訶子四十九箇去核
半生半炮苦黃一兩半生半炮甘草二
錢半生半炙右爲籠末每服七錢水煎去
滓入童尿一盞調服不過三服醫鑿

一方

治一人患乾咳嗽聲啞用白朮二錢人參橘紅
各一錢半半夏麴一錢白茯苓桑白皮天門冬
各七分甘草青皮各三分五味子二十粒知母地
骨皮瓜蒌仁苦黃各五分作一貼入薑三片煎服
夏加黃芩五分仍與四物湯人童便竹瀝薑汁並
炒黃柏二藥晝夜相間服兩月聲出而愈丹溪

單方

石菖蒲

凡十二種
出音聲煎服或
末服並佳本草

燕覆子

續五藏斷絕氣使語聲足氣常食之本草

通艸

出聲音可煎服之佳本草

杏仁

可和酪作湯益潤聲氣。欲好聲杏仁一升去皮尖熬酥一兩蜜少許和丸梧子大米飲下十五丸或二十丸本草

十九丸本草

桂心

治感寒失音取細末含之嚥汁。咽喉痒痛失音不語桂心杏仁各一兩為末蜜丸櫻桃大綿裹含化嚥

汁本草

苦竹葉

治卒失聲聲不出出濃煎飲之本草

橘皮

治卒失聲聲不出橘皮濃煮取汁煖服本草

梨

主中風失音不語生搗取汁每服一合日再服本草

乾柿

潤聲喉可水漬常服之本草

胡麻油

主瘖瘖能潤肺故也可和竹瀝薑汁童便等服之

童子尿

主久嗽失音由其能降火故也又曰人尿益聲可溫服之細目

雞子

多食令人有聲以水煮兩沸合水服之本草

鍼灸法

卒然無音取天突靈樞。厥氣走喉不能言取照海靈樞。喉痺卒瘖取豐隆靈樞。暴瘖氣喘取扶突廉泉靈樞。暴失音取神門涌泉細目。暴瘖取合谷陽交通谷天鼎期門支溝涌泉甲乙經

言語

肺主聲為言

難經曰肺主聲入肝為呼入心為言入脾為歌入腎為呻自入為哭。又曰肺邪入

心為謔

言妄語

言謔謔妄

自謂曰言答人曰謔得效。內經註曰謔亂語也。謔者妄也。或自言平生常事或開口言人所未見事或獨語或睡中呢喃或呻吟不已甚則狂言罵詈俱謂之謔語皆因胃熱來心故也。詳見參門。問曰邪入陽明為謔語妄語此果陽明乎答曰傷寒始自皮毛入是從肺中來肺主聲入于心則為言也。又曰合目自言言所日用常見常行之事即謔語也。大開目與人語語所未嘗見之事即為狂言也。東垣謔語者口出無倫邪氣勝也。圓春衣被不斂言語善惡不避踈親者此神明之亂也。乃狂疾也。內經。悲泣。神吟言謔謔妄此乃邪祟也。綱目。

瘖不得語 內經曰邪入於陰搏則為瘖有舌瘖喉瘖之異。詳見聲音。不得語非止一端有舌強不語神昏不語口噤不語舌縱語澀舌麻語澀其問治瘖治風安神養氣血各從活法治之。醫鑿。有。

氣血虛損者有腎虛及老人忽言不出者宜於十全大補湯方見虛勞去桂加菖蒲遠志入門。

痰塞心血亦為瘖

足少陰之脉挾舌本足太陰之脉連舌本手少陰之脉繫舌本故此三脉虛則痰涎來虛閉塞其脉道而舌不能轉運言語也。若此三脉心血則舌無血榮養而瘖內經曰刺足少陰脉重虛出血為舌難以言又云刺舌下中脉太過血出不止為瘖治當補血又此三脉風熱中之則舌脉弛縱而瘖風寒客之則舌脉縮急而瘖隨證治之。丹溪。痰塞不語宜導痰湯方見痰門。加菖蒲竹茹人參或苓連心血不語宜四物湯方見血門。加人參白朮東皮甘草菖蒲遠志入門。

一方

一男子因傷寒發熱忽神昏而瘖作體虛有痰治之以人參三錢黃耆白朮當歸陳皮各一錢煎湯入竹瀝薑汁飲之。十三日始能言一字半月舌轉運能言語熱除而痊。此痰塞也。一男子瘖。

酒多吐血後舌不能語但渴飲水脉畧數與當歸芍藥川芎地黃各一錢白朮人參各二錢陳皮一錢半甘草五分水煎入竹瀝童便薑汁服之至二十餘貼能言也此丹血滯

脉法

寸口脉微而澀微則衛氣不足澀則榮氣無餘衛不足其息短其形燥血不足其形逆榮衛俱虛言語謬誤脉經。心脉搏堅而長當病舌卷不能言內經。心脉濡甚為瘖又曰手少陰之別脉名曰通里別而上行入於心中

鄭聲

鄭者重也言語重復不已聲音糲糊有如鄭衛不正之音也詳見寒門。鄭聲者語不接續精氣脫也。出於喉中即鄭聲也皆大病後有之東垣

言微

內經曰言而微終日乃復言者奪氣也。靈樞曰膻中為氣之海不足則少氣力不多言。易老曰真氣虛弱脉微懶語宜入參黃芪湯及益氣丸氣門並見

呼

內經曰肝在聲為呼。小甲青惡罵不休為膽絕夫罵者怒之聲狂病不在此例千金方。手足甲青

丁馬多筋絕丸
定難過脉訣

笑

靈樞曰心氣虛則悲實則笑不休。內經曰心藏神神有餘則笑不休神不足則悲。難經曰心外證面赤口乾善笑。內經曰心在聲為笑又曰喜與笑皆屬心火。皇甫士安曰心實則笑笑則喜。河間曰喜為心火之志也喜極而笑者猶燔灼太甚而鳴笑之象也故病笑者心火之盛也

治法

一婦人病喜笑不已已半年眾治無效戴人曰此易治也滄鹽成塊者二兩餘火煨令赤放冷研細河水一大碗同煎溫服三次以釵股探喉吐熱痰四五升次服黃連解毒湯不數日而笑定內經曰神有餘則笑不休神者心火是也火得風而燔故笑之象也五行之中惟火有笑當治一老人笑不休口流涎以黃連解毒湯方見寒門加半夏竹葉竹瀝薑汁服之笑止矣

歌 內經曰脾在聲為歌。靈樞曰足陽明之脈病甚則欲上高而歌。癲在邪祟之病皆或歌或哭。綱目。

脾好音樂是。其性也延壽。

哭 內經曰肺在聲為哭。哭者肺之本聲也。難經曰肺外證面白善噫悲愁不樂欲哭。婦人藏燥悲傷欲

哭詳見婦人門。

呻 內經曰腎在聲為呻。脈訣曰呻吟者困重形於外也。腎病好呻吟者痛聲也。入門。

欠 內經曰腎為欠。難經曰腎病面黑善恐數欠。黃帝問曰人之欠者何氣使然岐伯對曰衛氣晝行于陽夜行于陰陰者主夜夜則臥陽者主上上陰者主

下故陰氣積于下陽氣未盡陽引而上陰引而下陰陽相引故數欠又曰足陽明之脈病善伸數欠靈樞。瘧之始作也善伸數欠又曰二陽胃也一

陰心包發病善噫善欠註云氣鬱於胃故欠生焉。內經。氣乏故欠伸引之入門。

噫 黃帝曰人之噫者何氣使然岐伯曰太陽之氣一云陽氣和利而滿於心出於鼻故為噫。靈樞。難經曰肺外證面白善噫。噫者鼻中因痒而氣噴作于

聲也鼻為肺竅痒為火化是火乘金為病也。河間。痰理不密噴噫不已。綱目。

欠為氣之噫為氣通。綱目。

噫 與噦氣同吐也飽氣也詳見內傷。

大息 黃帝問曰人之太息者何氣使然岐伯對曰人憂愁則心系急心系急則氣道約約則不利故太息以出之靈樞。膽病善太息又曰足少陽之脈病口苦善太息。靈樞。

大驚不語 大驚人之心則敗血頑痰填塞心竅故瘖不能言宜蜜陀僧散遠志丸扶神散。直指。

蜜陀僧散 治驚氣入心瘖不能言蜜陀僧研極細末者麝香湯調下。管有人為虎。蛇所驚久瘖服此即愈。虞世。

每錢茶清調下一方以熱酒調下有熱

遠志丸

治因驚言語顛錯遠志薑製南星牛膽製人參白附子白茯神酸棗仁炒各五錢朱砂三錢水飛麝香一錢金箔五片右為末蜜丸梧子大朱砂為衣薄荷湯下二十九丸日再服本車

扶神散

治同上茯神生乾地黃白芍藥川芎當歸桔梗白茯苓遠志薑製右為末每二錢水二盞燈心一錢大棗二枚同煎至七分服之有一婦年七十四歲因我亂為驚疾服二方得效本車

中風不語

詳見風門

語澀皆屬風

宜考風門

婦人產前不語產後不語

並見婦人

小兒語遲

詳見小兒

言語法

少言語養內氣七禁文。語過多成咳嗽或失音脈訣。凡言語誦讀常想聲在氣海中磨下穴名每日初八後勿言誦讀寧待平朝也得效。食上不得語語而食者常患胃背痛古人食不言

寢不言以此故也。得效。臥勿大語損人氣力亦不用寢曲多言笑寢不得言語者言五藏如鍾聲然不懸則不可發聲也。得效。行不得語若欲語須住脚乃得語行語則令人失氣得效。東垣省

不治證

病形。病人循衣縫譫語者不可治。華佗。病人陰陽俱絕掣衣撮空妄言者死。華佗。病人妄語錯亂及不能語者不治。執病及狂者不在此例。醫鑒

鍼灸法

瘖不能言取合谷涌泉陽交通谷天鼎期門支溝甲乙經。足太陰之脉病舌本強不能言又手少陰別脉名曰通里虛則不能言取此穴。靈樞。舌緩不能言取瘖門舌下腫難言取廉泉。資生

津液

身中津液

靈樞曰腠理發泄汗出滌滌是謂津津脫者腠理開汗大泄穀入氣滿溼澤注於骨骨

屬屈伸洩澤補益腦髓皮膚潤澤是謂液液脫者骨屬屈伸不利色夭腦髓消脛痠耳數鳴資生水穀入于口輸于腸胃其液別為五天寒衣薄則為尿與氣天熱衣厚則為汗悲哀氣并則為泣中熱胃緩則為唾邪氣內逆則氣為之閉塞而不行不行則為水脹資生。腠理發泄汗出溼溼是謂津津之滲於孔竅留而不行者為液內經註。太陽主津小腸主液大腸小腸受胃之榮氣乃能行津液於上焦灌溉皮毛充實腠理若飲食不節胃氣不足大腸小腸無所稟受故津液涸竭焉東垣難經曰腎主五液分化五藏入肝為淚入心為汗入脾為涎入肺為涕自入為唾。靈樞曰五藏化液心為汗肺為涕肝為淚脾為涎腎為唾是為五液。內經曰尺澀脈滑謂之多汗釋曰尺膚澀而尺脈滑也此自汗多而血涸津脫也。脈大而虛浮而濡者汗正傳。脈訣曰汗脈浮虛或澀或濡軟微洪大渴飲無餘。肝脈浮虛或濡或澀白汗在

腎主液

脈法

盜汗在尺。內經曰男子平人脈虛微細者。盜汗出也。寸口脈微尺脈緊其人虛損多汗。知陰常在絕不見陽也。仲景。傷寒脈浮而遲面熱赤而戰慄者當汗出解也。脈遲者為無陽不能作汗其身必痒。仲景。

汗因溼熱

內經曰心為汗又曰陽加於陰謂之汗釋曰陽氣上薄陰能固之則蒸而為汗又曰陽之汗而天地之雨名之。難經曰腎邪入心為汗。汗者心之液心動則惕然而汗出。醫鑿。心為君火脾胃屬土此溼熱相薄為汗明矣又如甌中燒酒若非湯火熏蒸則不能成汗液也。正傳。內經曰飲食飽甚汗出於胃驚而奪精汗出於心持重遠行汗出於腎疾走恐懼汗出於肝搖體勞苦汗出於脾。衛氣虛則汗多榮血虛則無汗。綱目。風病多汗風散氣故也。詳見風門痰證亦有汗頭眩嘔逆宜芎夏湯方見痰飲火氣上蒸胃中。之溼亦能作汗涼膈散方見火門主之。丹溪。

自汗

自汗者無時而濺濺然出動則為甚屬陽虛胃氣之所司也治法宜補陽調胃正傳。靈樞曰衛氣者所以肥腠理司開闔者衛氣虛則腠理疎開闔無司而汗多矣。內經曰汗出偏沮使人偏枯。多汗身軟者溼也心主熱脾主溼溼熱相薄如地之蒸氣為雲雨露宜調衛湯玉屏風散胃熱者二甘湯入門。自汗屬氣虛屬溼與痰氣虛用人參黃芪少加桂枝真陽虛則少用附子童便煮丹。凡內傷及一切虛損之證自汗不止者總用神中益氣湯方見內傷少加附子麻黃根浮小麥其效如神但升柴俱用蜜水製炒以殺其升發勇悍之性又欲引其參芪等藥至肌表也東垣。仲景桂枝湯治外感風邪自汗之聖藥也黃芪建中湯治外感氣虛自汗之神劑也補中益氣湯治內傷氣虛自汗之妙方也東垣。傷寒自汗有九證詳見寒門。自汗通用黃芪湯黃耆六一湯方見消渴參歸腰子牡蠣散小建中湯方見虛門參芪湯雙和湯方見虛門桂附湯水苓湯鎮液丹參附湯芪

附湯

調衛湯

治溼勝自汗麻黃根黃芪各一錢羌活七分生白芍當歸尾生黃芩半夏各五分麥門冬分五味子七粒右剉作一貼水煎服東垣

玉屏風散

治表虛自汗白朮二錢半防風黃芪各一錢二分右剉作一貼水煎服防風黃芪實表氣白朮燥內溼所以有效丹心

二甘湯

治胃熱食後汗出如雨生甘草炙甘草五味子烏梅肉各等分右剉每五錢薑二片棗二枚水煎服入門

黃耆湯

治陰陽偏虛自汗或盜汗黃芪蜜炒二錢二分生乾地黃天門冬白茯苓麻黃根各一錢五分當歸一錢二分麥門冬一錢五味子浮小麥甘草各七分防風五分右剉作一貼水煎服醫鑑

嚴氏黃芪湯同但無龍骨一味地黃去熟用生耳

參歸腰子

治心氣虛損自汗以此收斂心液人參當歸剉各五錢猪心一箇破作數片並心內

血以水二椀先煎猪心至一椀半乃入二藥同煎至八分取清汁吃猪心以汁送下令盡丹心

牡蠣散

治諸虛不足體常自汗夜臥則甚久不至羸瘠枯瘦心忪驚惕牡蠣煨麻黃根黃芪知母

各一兩右爲末浮小麥煎湯調二錢服剉之前煎亦可得效丹溪治自汗方防風黃芪白朮牡蠣粉麻黃根各等分剉水煎服之亦佳

小建中湯

治表虛自汗方見虛勞。黃芪建中湯乃本方加黃芪也治虛勞自汗。當歸建中

湯乃本方加當歸一兩也治血虛自汗。桂枝附子湯乃本方加桂枝五錢炮附子半箇也治自汗漏不止每服七錢薑七片棗二枚水煎服得效

參芪湯

治自汗黃芪蜜炒人參白朮白茯苓當歸熟地黃白芍藥酒炒酸棗仁炒牡蠣粉各一錢

陳皮七分甘草二分右剉作一貼棗二枚浮小麥一撮烏梅一箇同煎服醫鑿

朮苓湯

治虛汗黃芪防風白茯苓白朮麻黃根各五錢甘草炙二錢半右剉每服七錢浮小麥百

粒同煎服直指

鎮液丹

治自汗黃芪蜜炒二兩半大附子二兩煨去皮臍童便浸炒防風炮白朮炒白芍藥酒炒

中桂各一兩右爲末酒糊和丸梧子大空心溫酒下五十九丸加酸棗仁尤妙醫鑿

參附湯

治陽虛自汗人參五錢附子炮一兩右剉作三貼薑三片水煎服濟生

芪附湯

治氣虛自汗黃芪蜜炒附子炮各二錢半右剉作一貼薑三片水煎服濟生

桂附湯

治自汗漏不止桂枝附子炮各二錢半右剉如前法服濟生

盜汗

內經曰腎病者寢汗出，慎風。註曰寢汗者盜汗也。成無己曰盜汗者睡中汗出覺則止也。盜汗者寐中通身如浴覺來方知屬陰虛榮血之所主也。空補陰降火。正傳。盜汗乃陰虛血虛有火也。當歸六黃湯甚妙也。又四物湯方見血門加知母黃柏兼氣虛加參朮黃芪丹心。盜汗腎火動甚宜正氣湯脾溼盛者宜四製白朮散肝熱者宜龍膽散欲眠目合則汗出者膽有熱也宜小柴胡湯方見寒門通用當歸地黃湯牡蠣散參芪湯。

當歸六黃湯

治盜汗之聖藥也。黃芪二錢生地黃熟地黃當歸各一錢黃芩黃連黃柏各七分。右剉作一貼水煎服。河間。黃芪實表虛當歸生熟地黃補陰血芩連黃柏去內火所以有效也。丹心。

正氣湯

降陰火止盜汗。黃柏知母各一錢半炒。甘草炙五分。右剉作一貼水煎服。入門。

四製白朮散

治盜汗。白朮四兩剉分四包以黃芪石斛牡蠣小麥各一兩各炒。白朮為黃色只取白朮為末每三錢粟米飲調下。盡服為妙。丹溪。

龍膽散

治肝熱盜汗。龍膽草防風各等分。右為末。每錢米飲調下。臨臥時直指。

當歸地黃湯

治盜汗氣血兩虛者。當歸熟地黃生地黃白芍藥酒炒。白朮白茯苓黃芪蜜炒。各一錢。黃柏知母並蜜水炒。陳皮各八分。人參五分。甘草三分。右剉作一貼。棗一枚。浮小麥一撮。同水煎服。醫鑑。

牡蠣散

治盜汗及自汗。牡蠣煨。黃芪麻黃根各等分。右剉。每五錢浮小麥百粒同煎。服三四。又牡蠣散治盜汗。牡蠣粉白朮防風各等分。為末酒調服。二錢。汗即止。類聚。

參芪湯

治虛人盜汗。人參黃芪白朮白茯苓白扁豆山藥陳皮乾葛半夏麴甘草各一錢。右剉作。

一貼水煎服丹心

童子盜汗

一童子自嬰至童盜汗七年諸藥不效用
涼膈散三黃丸並見火門三日病已蓋腎
主五液化為五濕相火逼腎腎水上行象心之虛
而入手少陰心火炎上入肺欺其不勝已也皮毛
以是而開玄府不閉而為汗先以涼膈散瀉胃中
相火次以三黃丸瀉心火以助陰分則腎水還本
汗自止矣海藏

頭汗

頭者諸陽之會邪搏諸陽津液上蒸則汗見於頭
也明理。頭者三陽之會蓋三陰之脈至胃而還
凡有頭汗出自是陽虛故曰汗出為陽微是陰不
得有汗也本事。頭汗出劑頸而還血證也額上
偏多蓋督者六陽之所會故熱氣熏蒸而汗出也
以部分言之則頤屬腎額屬心三焦之火涸其腎
水滲渠之餘迫而上入心之分發為頭汗而額上
偏多也門治法詳見寒。溼家頭額出汗詳見溼門

心汗

陽明胃實亦頭汗出詳見寒門
水結胃亦頭汗出詳見胃部
別處無汗獨心孔一處有汗思慮多則汗亦多病
在於心宜陳艾湯丹溪。思慮過度以致心孔獨
有汗出宜陳艾湯又方青桑第二番葉帶露採陰
乾焙為末每二錢空心飲調下又止盜汗入門
。凡心液汗大人乃心血溢盛面常發赤者是也
小兒因驚得之有人患心液盜汗久不止用參歸
腰子以收斂心血遂愈
得效。心汗宜茯苓補心湯

陳艾湯

治汗自心頭出者名曰心汗亦治心液盜汗
白茯苓二兩右為末每二錢以濃煎陳艾湯
調下得效

茯苓補心湯

治心汗心汗者心孔有汗別處無也因
七情鬱結而成白茯苓人參白朮當歸
生地黃酸棗仁炒白芍藥麥門冬陳皮黃連各一
錢甘草三分朱砂五分別為末右剉作一貼棗二

枚烏梅一箇浮小麥百粒
同煎調朱砂末服之 回春

手足汗

手足汗者津液自胃府傍達於外則手足自汗
有熱聚胃府通而出之者此陽明證也宜大柴
胡湯方見寒門下之入門。手足汗芩連柏并補
劑皆不效後以八物湯加半夏茯苓為君白附子
川烏為佐使服之其汗即無網目。治脚汗方白
礬乾葛各五錢為末水三椀煎十數沸逐日洗而
纏之三五日自止本事。牡礬丹治兩腋
汗兩脚心汗久不愈者宜用方見汗陰
陰汗腎虛陽衰也宜安腎丸方見虛勞。治陰汗
不止宜小安腎丸方見虛勞。以乾薑煎湯入鹽
少許吞下大蒜丸亦可。又方蛇床子酒浸炒白
礬陳醬煎水淋洗患處得效。治陰囊汗密陀僧
為末極細和蛤粉撲傳汗處丹心。陰汗宜爐甘
石二錢半蚌粉黃連五倍子各一錢二分半右為
末先以露蜂房大腹皮
煎湯洗後糝之直指

陰汗

大蒜丸

治陰汗淫痒大蒜不拘多少煨熟去皮爛研
同淡豆豉末和丸梧子大朱砂為衣棗子煨
心煎湯空心吞
下三十九丸得效

血汗

詳見血門

黃汗

詳見疸門

漏風證

黃帝問曰有病身熱懈墮汗出如浴惡風少氣
此為何病岐伯對曰病名酒風一名漏風漏風
之狀或多或少汗常不可單衣食則汗出甚則身熱喘
息衣常濡口乾善渴不能勞事內經白朮散王
白朮散治飲酒中風汗多不可單衣食則汗出如洗
錢牡蠣煨三錢右為末
每二錢溫水調下河間

白朮散

凡汗多不止謂之亡陽又汗不得出亦謂之亡
陽如心痞胃煩面青膚暍者難治色黃手足溫

東醫寶鑑內科篇

四十五

者可治入門。凡汗漏不止則真陽脫出故謂之亡陽其必冷多成痺寒矣入門。凡發汗過多則陽虛不固汗出多則津液亡而小便難四肢者諸陽之本液脫者骨屬屈伸不利是以四肢拘急桂枝附子湯主之入門。汗多亡陽宜用止汗法見下。陽虛亡陽不得汗宜陶氏再造散

桂枝附子湯

治傷寒發汗過多遂漏而不止四肢拘急難屈伸桂枝附子炮各三錢白芍

藥二錢甘草炙一錢右剉作一貼薑五片棗二枚水煎服之入門

止汗法

汗出不止恐作亡陽宜以溫粉紅粉撲之又用獨勝散填臍。或牡蠣麥殼麻黃根藜本糯米防風白芷等分爲末周身撲傳入門。誤用麻黃命人亡陽汗出不止將病人頭髮水浸外用糯米粉並龍骨牡蠣末撲傳之入門

溫粉

止自汗白朮藜本川芎白芷各等分右爲末藥末一兩入粟米粉一兩和勻綿裹撲身丹心

紅粉

治同上麻黃根牡蠣粉各一兩赤石脂龍骨各五錢右爲末和勻綿裹撲傳得效

獨勝散

治自汗盜汗五倍子白礬枯等分爲末以津唾調勻填臍中以帛縛定立效醫鑒。又方

何首烏爲末津唾調封臍中妙丹心

無汗

汗者血之異名故靈樞曰奪血者無汗奪汗者無血。盛夏浴食無汗爲表實表實者無汗丹溪。三陽實三陰虛汗不出三陰實三陽虛汗不止。真氣已虧胃中火盛則汗出不止胃中真氣已竭若陰火已衰則無汗反燥乃陰陽俱衰四時無汗其形不久東垣。傷寒陰證皆無汗詳見寒門。陽氣有餘爲身熱無汗陰氣有餘爲多汗身寒陰陽有餘則無汗而寒內經。謂出汗如珠不流復旋乾也內經註。六陽氣俱絕則絕汗乃出朝占夕死夕占朝死靈樞

絕汗

仲景傷寒論曰柔汗發黃爲脾絕釋曰柔爲陰柔汗即冷汗也一云油汗即粘汗也

柔汗

汗出凶證

傷寒熱病汗出髮潤，一不治也。汗出如油，二不治也。汗凝如珠，三不治也。直指。傷寒熱病頭汗如珠不流者，陽脫即灰入門。傷寒汗出髮潤與其出如油或大如貫珠著身出而不流皆為不治之證。明理。傷寒脈浮洪汗出如油髮潤喘不休為命絕不治。仲景。傷寒陽病自汗有九證皆有治法。陰病不得有汗，惟陰毒則額上手背有冷汗甚者如水洗，此是陽虛陰盛於陽而將脫也。其灰必死。

禁忌

冬月天地閉，血氣藏，縱有疾亦不安，多出汗，人自汗大忌。生薑以其開腠理，故也。丹溪。自汗凡辛辣之味五辛之屬並忌食之。

積氣生液

古聖曰：陽中生陰，陰中生陽，氣中生液，液中生氣。又曰：積液生氣，積氣生液。直格書。朱子曰：陽變陰，陰初生水，火水火氣也。流動閃爍其體尚虛，其形猶未定。次生水，木金則確然有定形矣。

泣

水火初是，自生也。程子曰：坎水也，一始於中，有生之最先者也。魯齋鮑氏曰：物之初生，其形皆水。水者萬物之一原也。或問曰：天一生水，亦有可驗乎？曰：人之一身可驗矣。貪心動則津生，哀心動則淚生，愧心動則汗生，忿心動則精生，方人心寂然不動之時，則太極也。此心之動則太極動而生陽，所以心一動而水生，即可以為天一生水之證也。夫水生於陽而成於陰，氣始動而陽生氣聚而靜，則成水。觀呵氣可見，蓋神為氣主，神動則氣隨氣為水，母氣聚則水生，正理。難經曰：腎主液，入肝為泣。黃帝曰：人之哀而泣涕出者，何氣使然？岐伯曰：心者五藏六府之主也，目者宗脈之所聚也。上液之道也。口鼻者氣之門戶也。故悲哀愁憂則心動，心動則五藏六府皆搖，搖則宗脈感，宗脈感則液道開，液道開則泣涕出焉。液者所以灌精濡空竅者也。故上液之道開則泣，泣不止則液竭，液竭則精不灌，精不灌則目無所見矣。命曰奪精，靈樞。又曰：五藏六府之津液盡上矣。

涕

內經曰

涕者腦也腦者陰也腦滲為涕。難經曰則液上溢夫心系與肺不能常舉在上在下故咳而泣出矣靈樞。者人膽汁慳矣則無淚笑則有淚火盛水虧也故膽熱者亦流淚入門

腎主液人肺為涕涕者肺之液也。膽移熱於腦則辛頰鼻淵鼻淵者濁涕下不止也。詳見鼻門。肺熱則涕出黃濁如膿狀大如彈丸從鼻中出不出傷肺傷肺則死也。詳見鼻門。傷風則決然鼻流清涕。細目。鼻流濁涕者屬風熱也鼻流清涕者屬肺全也。詳見鼻門。

涎

口角

涎出而不禁者涎也。直指。涎者脾之液也脾熱則涎出內經註。黃帝曰人之涎下者何氣使然岐伯曰飲食者皆入於胃胃中有熱則蟲動蟲動則胃緩胃緩則廉泉開故涎下靈樞。一人口流涎不止喜笑舌瘡脉洪大芩連梔柏蒼白朮半夏竹瀝薑汁服之五日涎止笑息。細目。口角流涎

不止口眼喎斜以通夫愈風湯煎水吞下清心導痰丸五十粒而愈。細目。時常吐清水冷涎自下涌上者脾熱所致二陳湯方見痰門加白朮白芍藥升麻土炒芩連梔子神麩麥芽乾生薑或丸或煎服入門

通天愈風湯

昔黃三錢白朮一錢半人參南星炮貝母炒各一錢威靈仙連翹防風荆芥穗甘草各五分瓜蒌仁十五粒右剉作一貼入薑三片水煎調荆瀝一呷薑汁少許溫服。細目

清心導痰丸

天南星半夏生薑汁製各二兩白附子天花粉各一兩黃連炒鬱金各七錢半白僵蚕炒天麻羌活各五錢川烏鹽製二錢右為末薑汁糊和丸梧子大。細目

唾

唾者腎之液也內經曰腎為唾唾生於牙齒。腎冷則多唾腎熱則無唾。水之在口曰華池亦曰玉泉黃庭經曰王泉清水灌靈根審能修之可長存靈根者舌也活人心。大病差後甚唾者胃上有寒

五、理中丸溫之仲景。大病新愈喜睡不休或睡
白沫者胃口上停寒也理中丸方見寒門加益智
仁東垣。蟲證多
涎睡詳見五門

迴津法

真人日常習不睡地蓋口中津液是金漿玉醴
能終日不睡常含而嚙之令人精氣常留而目
有光蓋人身以津液為本在皮為汗在肉為血在
腎為精在口為津伏魄為痰在眼為淚曰汗曰血
曰淚曰精已出則皆不可迴惟津唾則獨可迴迴
則生生之意又續矣有人喜睡液乾而體枯遇至
人教以迴津之術久
而體復潤矣延壽書

通治藥

自汗盜汗諸汗通用黃芪湯牡蠣散方見上
補中益氣湯方見內傷雙和湯方見虛勞

單方 凡二十五種

石膏

解肌出毒汗宜細
碎不煎服本草

葛根

解肌發表出汗開腠
理水煎服之本

麻黃

去節則發表出汗根與節能
實表止汗水煎服之本

生薑及乾薑

皆發表開腠理出
汗水煎服本草

浮萍

發汗最捷詳見
風門去風丹下

荊芥

發表出汗水
煎服本草

薄荷

發毒汗解勞乏清
頭目水煎服本草

葱白

連鬚用解表出汗散
風邪水煎服本草

紫蘗葉

散表氣出汗本草。久汗不
出同青皮煮服之即出丹溪

忍冬藤

散久積陳鬱之氣能
出汗煮飲良丹溪

細辛

散風出汗水煎飲之不可
為末服令人氣塞本草

杏仁

解肌發汗水
煎服本草

豆豉

發汗。久盜汗豉一升微炒漬酒三
升滿三日冷煖任服不差更作本草

白朮

止汗。治盜汗極驗白朮不拘多少剉成小塊
浮麥一升水一斗同煮乾取出切片焙乾去麥

不用研為細末每服二錢
別煎浮麥湯調服得效

桂枝

止汗表虛自汗秋與冬
則用桂枝煎服東垣

酸棗仁

止汗治睡中汗出酸棗仁炒人參白
茯苓為細末每二錢水飲調下得效

桑葉

最止盜汗青桑葉二番葉帶露
搗陰乾焙為末米飲調服入門

牡蠣粉

止汗和牡蠣粉身止盜汗又和麻
黃根為末粉身止盜汗本草

浮小麥

實表止自汗本草水煎作飲常服
之。凡自汗多喫麩食則安得效

防風

止汗又止盜汗水煎
服之葉尤佳本草

黃芪

實表虛止自汗蜜水炒黃芪入炙甘草少
許水煎常服。凡自汗春夏用黃芪東垣

麻黃根

止自汗及盜汗水煎服之又
和牡蠣粉粉身止汗本草

椒目

止盜汗最妙微炒為極細末取半錢以生豬
上唇煎湯一合調臨臥服之無不效本草

烏梅

止好睡作茶
飲之本草

白茯苓

止自汗盜汗取為末以烏梅
陳艾煎湯調下二錢得效

鍼灸法

盜汗不止取陰郄瀉之綱目。汗不出取出
盜汗取陰郄五里間使中極氣海。虛損盜汗

取百勞肺俞甲乙經。傷寒汗不
出取合谷復溜俱瀉之大妙綱目

痰飲

痰涎飲三者不同

痰者津液之異名人之所特以潤養
肢體者也日痰日涎日飲又有理一
分殊之別伏於包絡隨氣上浮客肺壅嗽而發動
者痰也聚於脾胃元隨氣上溢口角流出而不禁者
涎也惟飲者生於胃府為嘔為吐
此則胃家之病不可不知直指

痰飲分清濁

痰者津液因熱而成熱則津液熏蒸而稠
濁故名為痰也丹心○水之與飲同出而
異名也人惟脾土有虧故所飲水漿不能傳化或
停於心下或聚於脇間或注於經絡或溢於膀胱
往往因此而致病矣直指○飲者因飲水不散而
為病痰者因火炎熏灼而成疾故痰形稠濁飲色
清痰古方謂之飲今
人謂之痰其實一也

王隱君痰論

痰證古今未詳方書雖有懸飲留飲支飲
痰飲諸飲之異而莫知其為病之源或頭

風眩暈目昏耳鳴或口眼蠕動眉稜耳輪癢痒或
四肢遊風腫硬似痛非痛或為齒頰痒痛牙床浮
腫而痛痒不一或噫氣吞酸嘈雜嘔噦或咽嗑不
利咯之不出嚙之不下色如煤炷形如敗絮桃膠
蠅肉之類或心下如停水雪心頭冷痛時作或夢
寐奇怪鬼魅之狀或足腕痠軟腰背卒痛或四肢
骨節煩疼並無常所乃至手麻臂痛狀若挫閃或
脊中每有一掌如水凍之寒痛者或渾身習習如
蟲行者或眼睚澀痒口糜舌爛甚為喉閉等證又
或連項結核似癰非癰或膈腹間如有二氣交紐
噎塞煩悶有如烟氣上衝頭面烘熱或為失志癲
狂或為中風癱瘓或為勞瘵荏苒之疾或為風痺
及脚氣之候或心下怔忡驚悸如畏人將捕或喘
嗽嘔吐或嘔冷涎綠水黑汁甚為肺癰腸毒便膿
攣跛其為內外疾病非止百端皆痰之所致也蓋
津液既凝為痰為飲而洶涌上焦故口燥咽乾流
而之下則大小便閉塞面如枯骨手髮焦乾婦人
則經閉不通小兒則驚癇搐搦治法宜先逐去敗

痰然後看虛實調理故製沉香滾痰丸方見下
為通治二焦痰飲之劑也。劉宗厚曰痰之為病
仲景論四飲六證無擇叙三因內外俱為切當惟
王隱君論人之諸疾悉出於痰此發前人所未發
可謂深識痰之情狀而得其奧者矣製滾痰丸一
方總治斯疾固為簡便較之仲景三因有表裏內
外而分汗下溫利之法則疎闊矣
况又有虛實寒熱之不同者哉

飲病有八

有留飲癖飲痰飲溢飲流飲懸飲支飲伏飲
等證皆因飲酒胃寒或飲水過多所致仲景

留飲

胃中有留飲其人短氣而渴四肢歷節痛脈沉細
而渴四肢歷節疼痛脇痛引缺盆咳嗽轉甚入門

○留飲之證四肢歷節痛氣短脈沉久則令人骨
節蹉跌恐為癩癰宜導痰湯加減
通用芎夏湯入門。二方見下

癖飲

水癖在兩脇下動搖有聲宜十棗湯
方見寒門。二花神祐丸方見下門

痰飲

其人素盛今瘦水走腸間漉漉有聲謂之痰飲宜
苓桂朮甘湯又曰心下有痰飲胃脇支滿目眩

○痰飲者水停腸胃漉漉有聲
令人暴肥暴瘦宜神朮丸入門

苓桂朮甘湯

治痰飲亦茯苓二錢桂枝白朮各一錢
半甘草一錢右剉作一貼水煎服仲景

神朮丸

治痰飲成窠裏漉漉有聲或嘔吐酸水蒼朮
泔浸去皮焙乾一斤為細末白脂麻五錢水

二盞研瀝取汁大棗三十枚爛煮研去皮核取肉
以麻汁調和成稀膏搜和朮末熟杵丸如桐子大
每日空心溫水下百丸至二百丸初服時
必嘔微燥進山梔子散一服不燥本專

山梔子散

梔子一味乾之為
末沸湯點一錢服

溢飲

飲水流行歸於四肢當汗出而不汗出身體重痛
謂之溢飲小青龍湯方見寒門主之仲景。溢飲

者水在四肢身
體重痛入門

懸飲

飲後水流在脇下咳唾引痛謂之懸飲十棗湯方
見寒門主之仲景○懸飲亦謂流飲水在脇間動
搖漉漉有聲局方○懸飲者水流有脇下咳唾引
痛懸懸思水三花神祐丸主之入門○方見下門
咳逆倚息短氣不得臥其形如腫謂之支飲小青
龍湯方見寒門主之又曰其脉數必苦冒眩其人
本有支飲在胃中故也茯苓五味子湯亦主之
○支飲亦喘而不能卧加短氣其脉平也仲景○
支飲水停膈上咳
逆倚息短氣入門

支飲

茯苓五味子湯

治支飲手足冷痺多唾小腹氣上衝
胃咽面熱如醉時復眩冒赤茯苓二
錢桂心甘草各一錢半五味子一錢二分半右剉
作一貼水煎服支飲法當冒冒者必嘔嘔者復滿
加半夏以去其飲
飲去嘔則止仲景

伏飲

膈上痰滿喘咳或吐發則寒熱背痛腰痛目淚自
出其人振振身矧劇必有伏飲仲景○伏飲者水

痰病有十

停膈滿嘔吐喘咳發熱惡寒腰背痛目淚出或
身惕矧宜三花神佑丸防視控涎丹方見下
有風痰寒痰溼痰熱痰鬱痰氣痰食痰酒痰
驚痰痰之源不一有因熱而生者有因氣而
生者有因風而生者有因驚而生者有因飲而生
者有因食而成者有因暑而生者有因傷冷而成者
有脾虛而成者有因酒而
成者有腎虛而生者丹溪

風痰

多癱瘓奇證頭風眩暈暗風悶亂或搐
搦矧動宜青州白圓子導痰湯丹心

青州白圓子

治風痰壅盛嘔吐眩暈及癱瘓風半夏
七兩天南星三兩白附子二兩川烏五
錢右生為細末清水浸春五夏三秋七冬十日朝
夕換水候日數足乃取納生絹袋中瀝過其滓再
研瀝過以盡為度澄清去水晒乾又為末以糯
米粥清和丸菉豆大薑湯吞下三五十九局方
治風痰半夏薑製二錢南星炮橘紅枳殼赤
茯苓甘草各一錢右剉作一貼薑五片水煎

導痰湯

治風痰半夏薑製二錢南星炮橘紅枳殼赤
茯苓甘草各一錢右剉作一貼薑五片水煎

寒痰 效得服 寒痰即冷痰也骨痺四肢不舉氣刺痛無煩熱痰
結清冷宜溫中化痰丸溫胃化痰丸新法半夏湯
丹心

溫中化痰丸 治冷痰嘔噦惡心青皮陳皮良薑乾薑
各等分右為末醋糊和丸梧子大
米飲

下五十五
丸局方

溫胃化痰丸 治膈間有寒飲冷痰半夏製三兩乾薑
炮白朮焙陳皮各二兩右為末薑汁糊

和丸梧子大薑湯吞
下二十三十九丸細目

新法半夏湯 治脾胃有冷痰嘔逆惡心不思飲食木
半夏四兩切片以白礬末一兩和湯浸

一日漉出再用薑汁浸一日煮令汁盡焙為末用
甘草炙二兩橘紅縮砂神麴炒草果各一兩丁香

白豆蔻各五錢右為細末每

一錢以薑鹽湯點服局方

溼痰 身重而軟倦怠困弱宜神朮丸方見上山精
丸三仙丸或二陳湯加蒼朮白朮局方

山精丸 健脾清火燥溼痰蒼朮消浸三日竹刀刮去
皮陰乾二斤黑桑椹一斗取汁去渣將蒼朮

浸汁晒乾如此九次擣為細末枸杞子地骨皮各
一斤右為末蜜丸梧子大每百丸溫湯吞下必用

三仙丸 治溼痰半夏南星各一斤為末薑汁調作片
置篩中以楮葉或艾葉覆之令發黃色晒乾

收之須五六月間做麴每麴四兩入香附末二
兩薑汁糊和丸梧子大薑湯下五十九丸入門

熱痰 熱痰即火痰也多煩熱燥結頭面烘熱或為眼爛
喉閉癩狂館雜懊懷怔忡宜清氣化痰丸加味潤

下丸小調中湯大調中湯黃芩利膈丸理中豁痰
湯清熱導痰湯丹心熱痰黃色者是也得效

清氣化痰丸 治熱痰半夏製二兩陳皮赤茯苓各一
兩半黃芩連翹梔子苦黃甘草各一兩

薄荷荆芥各五錢右為末薑汁糊和丸梧子大
薑湯下五十九丸此方乃二陳湯合涼膈散也心丹

加味潤下丸

善降痰火橘紅八兩半夏到二兩以鹽
五錢化水拌勻二味煮乾烘燥入南星

黃芩黃連甘草各一兩右為末薑汁浸
蒸餅和丸菘豆大白湯下五十七丸心丹

小調中湯

治一切痰火及百般怪病善調脾胃神效
黃連煎水浸甘草煎水浸黃連瓜蒌

仁煎水浸半夏煎水浸瓜蒌仁各炒水乾為
度各等分右到五錢薑三片煎服又四味為末煮
良薑取汁作糊和丸梧子大

白湯下五十九丸尤妙入門

大調中湯

治虛而有痰火最佳即前方加入參白朮
白茯苓川芎當歸生地黃白芍藥也入門

黃芩利膈丸

除胃中熱利膈上痰生黃芩炒黃芩各
一兩半夏製黃連澤瀉各五錢南星炮

枳殼陳皮各三錢白朮一錢白礬一錢今加蘿蔔
子炒五錢皂角一錢右為末蒸餅和丸梧子大

湯下五十一
丸正傳

理中豁痰湯

治膈上胃中熱痰最妙白朮白芍藥各
一錢人參白茯苓半夏製瓜蒌仁陳皮

天門冬麥芽炒各七分黃芩酒炒香附子鹽水炒
黃連薑汁炒苦蘆各五分枳實甘草各三分右到

作一貼水煎去滓入薑汁
二匙竹瀝六匙調服必用

清熱導痰湯

治憎寒壯熱頭目昏沉氣上喘急口出
涎沫此因內傷七情以致痰迷心竅神

不守舍神出則舍空舍空則痰自生也黃連黃芩
瓜蒌仁南星炮半夏製陳皮赤茯苓苦蘆白朮

參各七分枳實甘草各五分右到作一貼入
薑三片棗二枚同煎和竹瀝薑汁服醫鑿

鬱痰

與老痰燥痰同即火痰鬱於心肺之間久則凝滯
胃膈稠粘難咯多毛焦而色白如枯骨咽乾口燥
咳嗽喘促空齋化痰丸抑痰丸霞天膏
清火豁痰丸加減二陳湯瓜蒌枳實湯心丹

節齋化痰丸

專治鬱痰老痰膠固稠粘難於咯唾天門冬片苓酒炒瓜蒌仁橘紅海粉各一兩苾硝香附子鹽水炒苦葶連翹各五錢青黛二錢右爲末煉蜜入薑汁少許和丸櫻桃大細嚼淡薑湯送下或如黍米大丸

抑痰丸

治燥痰鬱痰乾嗽瓜蒌仁一兩貝母炒五錢半夏製二錢右爲末蒸餅和丸棗豆大薑湯下百丸

霞天膏

治虛痰老痰稠粘膠固於胃臆依附盤泊於腸胃當用此膏吐瀉不致虛損如癩癆鼓噎於補虛藥中加之以去痰積可收萬全服此比之倒倉更隱凡治實痰新痰用南星半夏燥之橘紅枳殼散之猪苓茯苓滲之黃連黃芩降之巴豆附子流通之竹瀝瓜蒌潤下之詳見雜方

清火豁痰丸

治上焦鬱火痰涎壅盛胃膈不利哕喉煩燥噎塞如有肝硬吐不出嚔不下

黃酒拌九蒸九晒二兩半白朮炒枳實殼炒陳皮鹽水炒各二兩黃芩酒炒黃連酒炒梔子炒南星半夏二味以白礬皂角生薑各一兩浸七日各一兩半貝母炒一兩一錢連翹天花粉白茯苓神麴炒白芥子炒各一兩玄明粉七錢青礞石以煨硝一兩同煨如金色青黛甘州各五錢沉香二錢右爲末竹瀝和丸梧子大茶清下六七十丸醫鑒

加減二陳湯

治老痰燥痰熱痰橘紅以鹽水浸煨一錢二分枳實黃芩炒各一錢白朮貝母炒便香附各九分白茯苓天花粉鹽水炒各七分防風連翹各五分甘草三分右作一貼水煎服必

瓜蒌枳實湯

治痰結咯吐不出胃膈作痛不能轉側或痰結胃滿氣急或痰迷心竅不能言瓜蒌仁枳實苦葶赤茯苓貝母炒陳皮片苓梔子各一錢當歸六分縮砂木香各五分甘草三分右剉作一貼水煎入竹瀝五匙薑汁半匙和服回春

氣痰

七情鬱結痰滯咽喉形如敗絮或如梅核咯不出
燕不下胃膈痞悶宜清火豁痰丸玉粉丸加味四
七湯潤下丸二賢散前胡
半夏湯加味二陳湯入門

玉粉丸

治氣痰以三仙丸一劑去香
附加橘紅末二兩也入門

加味四七湯

治痰氣鬱結窒碍於咽喉之間咯之不
出燕之不下謂之梅核氣者半夏陳皮
赤茯苓各一錢神麴
實南星炮各七分青皮
厚朴紫蘇葉檳榔縮砂各五分白豆蔻益智仁各
三分右剉作一貼入薑
五片水煎服醫鑿

潤下丸

治痰積氣滯及痰嗽降痰甚妙陳皮一斤去
白鹽二兩以水化同煮爛焙燥甘草二兩
右為末湯浸蒸餅和丸梧子
大白湯下三五十丸必用

二賢散

清肺消痰下氣解酒毒橘紅一斤甘草四兩
鹽半兩水浸過一精許鍋內煮乾焙為末每

日早晚各二匙淡薑湯或白湯調下綱目
回春一名滌痰散。一名二賢湯得效

前胡半夏湯

治氣痰壅盛前胡半夏赤茯苓各一錢
陳皮紫蘇葉枳殼各七分木香甘草各
五分右剉作一貼薑五片
烏梅一箇水煎服直指

加味二陳湯

治氣痰窒碍咽喉成梅核氣半夏陳皮
赤茯苓枳殼苦黃各一錢片苓梔子炒
各七分紫蘇子白豆蔻仁甘草各五
分右剉作一貼薑二片同煎服醫鑿

食痰

即食積痰也因飲食不消或挾瘀血遂成窠囊多
為癰塊痞滿宜青礞石丸黃瓜萐丸正傳加味二
陳湯
醫鑿

青礞石丸

治溼熱痰去食積痰青礞石二兩同煅硝
二兩入罐內鹽泥固齊晒乾火煨紅候冷
取出天南星二兩白礞末五錢和水浸二日半夏
皂角水浸二日片苓薑汁炒赤茯苓枳實炒各

三兩風化硝用蘿蔔同煮硝化去蘿蔔瀝淨入牛
膽內風乾取五錢右為末薑汁煮神麴為糊和丸
梧子大白湯下三五十
丸此藥重在風化硝入

黃瓜萋丸

治食積痰瓜萋仁半夏麴山查肉神麴炒
各等分右為末瓜萋汁和丸梧子大以薑

湯竹瀝下二三
五十九丸入門

正傳加味二陳湯

治食積痰導痰補脾消食行氣山
查肉一錢半香附子半夏各一錢

川芎白朮蒼朮各八分橘紅茯苓神麴炒各七分
縮砂研麥芽炒各五分甘草炙三分右剉作一貼
薑二片棗二枚
水煎服正傳

酒痰

因飲酒不消或酒後多飲茶水但得酒次日又吐
飲食不義嘔吐酸水宜瑞竹堂化痰丸香附瓜萋
青黛丸小調中湯滌痰散又對金飲子丸見內傷
加半夏乾葛各一錢煎服正傳

瑞竹堂化痰丸

治酒痰消食快脾順氣半夏南星生
薑白礬皂角各四兩同入砂鍋內水

煮以南星無白點為度去皂角不用入青皮陳皮
乾葛蘓子神麴麥芽山查肉蘿蔔子香附子杏仁
各一兩右為末薑汁浸蒸餅和丸梧子大
每五七十九丸食後臨臥茶酒任意下入門

香附瓜萋青黛丸

治燥痰鬱痰酒痰上三味為末蜜
丸芡實大每一丸食後及臨臥時

喻化嚙下凡積痰非
青黛瓜萋不除入門

驚痰

因驚痰結成塊在胸腹發則跳動痛不可忍
或成癩癩婦人多有之宜妙應丹滾痰丸

妙應丹

治一身牽引隱痛不可忍走易不定或疑風
毒或為癱瘓或謂癰疽皆非也乃痰涎伏在

心膈變為此疾但服此藥其疾如
失方見下。一名控涎丹河間

脉法

脉雙弦者寒飲也偏弦者飲也。肺飲不弦但苦
喘短氣。脉沉而弦者懸飲內痛。脉浮而細滑

者傷飲仲景。偏弦為飲或沉弦滑或結或伏痰飲中節脈訣。脈理提綱曰痰脈弦滑。三因曰飲脈皆弦微沉滑。脈沉弦細滑大小不勻皆痰飲為病也。醫鑿。久得瀆脈必費調理蓋痰膠固脈道阻滯也。丹心。

痰飲外證

靈樞曰尺膚蠱如枯魚之鱗者水溢飲也。人背寒冷如冰。水在心心下堅築短氣惡水不欲飲。水在肺吐涎沫欲飲水。水在脾少氣身重。水在肝脇下支滿噎而痛。水在腎心下悸仲景。凡有痰者眼皮及眼下必有烟灰黑色。眼胞及眼下如灰烟熏黑者痰也。醫鑿。凡病百藥不效關上脈伏而大者痰也用控涎丹方見下。丹心。一切痰證食少肌色如故一切水證脇硬心下怔忡入門。

痰飲諸病

痰之為患新而輕者形色清白稀薄氣味亦淡久而重者黃濁稠粘疑結咯之難出漸成

惡味酸粹腥臊鹹苦甚至帶血而出但痰證初起頭痛發熱類外感表證久則潮咳夜重類內傷陰火又痰飲流注肢節疼痛類風證但痰證胃滿食減肌色如故脈滑不勻不定為異耳入門。痰之作恙為喘為嗽為吐為嘔為眩暈為風癰為狂迷為松悸或吞酸或短氣或痞隔或腫脹或寒熱或疼痛痰實主之。指。俗云十病九痰誠哉斯言。凡入手臂或動不得或骨節遍身痛坐卧不寧此痰入骨也又曰眼黑而行步呻吟舉動艱難者入骨痰也其證遍身骨節疼痛。眼黑而面帶土色四肢痿痺屈伸不便者風溼痰也。眼黑而氣短促者驚風痰也。眼黑而頰赤或面黃色者熱痰也丹心。咯痰不出者是痰結也又曰脇下痛作寒熱咳嗽氣急亦痰結也。回春。

辨痰色

寒痰清溼痰白火痰黑熱痰黃老痰膠

痰飲流注證

凡人忽患曾背手脚腰膝隱痛不可忍連筋骨牽引釣痛坐卧不寧時時走走易不定

俗醫不曉謂之走注使用風藥及針灸皆無益又疑風毒結聚欲為癰疽亂以藥貼亦非也此乃痰涎伏在心膈上下變為此疾或令人頭痛不可舉或神意昏倦多睡或飲食無味痰唾稠粘夜間喉中如拽鋸聲多流涎手足脚冷痺氣脈不通誤認為癰瘰亦非也凡有此疾只服控涎丹其疾如失得效。澤痰流注上行攻臂臂不能舉或左

控涎丹

一名妙應丹治痰飲流注作痛甘遂紫大戟白芥子各等分右為末糊丸梧子大曬乾臨臥薑湯或溫水下七丸至十丸神效驚痰加朱砂為衣痛甚加全蠍酒痰加雄黃臂痛加木鱉子桂心驚痰成塊加穿山甲鱉甲玄胡索蓬朮河間

痰病有似邪祟

血氣者人之神也神氣虛乏邪因而入理或有之若夫血氣兩虛痰客中焦妨礙升降不得運用以致十二官各失其職視聽言動皆有虛妄以邪治之其人必死東垣。先宜多

飲薑鹽湯探吐之或竹瀝香油多灌之次服陶氏導痰湯

陶氏導痰湯

治痰迷心竅或似鬼祟半夏一錢赤茯苓天南星枳實各八分陳皮黃芩黃連白朮瓜蒌仁各五分芫荽四分人參三分甘草二分右剉作一貼入薑三片棗一枚水煎臨臥入竹瀝薑汁調服先吐去

痰厥

痰厥者皆因內虛受寒痰氣阻塞手足厥冷麻痺暈倒脈沉細宜服加味二陳湯清火化痰湯鶴頂丹小兒方奪命散亦可入門

加味二陳湯

治痰厥半夏製陳皮白茯苓當歸枳實苦杏仁各一錢良薑縮砂各五分木香桂皮甘草三分右剉作一貼薑五片水煎服回春

清火化痰湯

治熱痰結在胃膈咯吐不出滿悶作痛名痰結半夏製陳皮赤茯苓各一錢苦

黃枳殼瓜蒌仁各七分黃連黃芩梔子貝母蘇子桑白皮杏仁苾硝各五分木香甘草各三分右剉作一貼薑三片同煎至半納苾硝焙化去滓又入竹瀝薑汁調服回春

鶴頂丹

治痰熱塞咽喉聲如拽鋸及痰結胸膈滿痛明白礬一兩心紅五錢或黃丹右為末每取一匙入磁器內焙化乘熱燃作丸櫻桃大每丸以薄荷煎湯化下入門。直指方控痰良方白礬黃丹各一兩火煨為末麪糊和丸麻子大治諸頑痰迷塞關竅不通聲音不出取三十九丸研末入全蠲少許薑湯調灌之吐痰立愈

痰塊

人身上中下有塊如腫毒多在皮裏膜外此因淫痰流注作核不散問其平日好食何物用藥吐下後方用消痰散核之藥二陳湯加大黃連翹柴胡苦蘆白芥子黃連薑汁炒煎水入竹瀝多服自消丹心。痰飲流注於胃背頭項腋胯腰腿手足聚結腫硬或痛或不痛按之無血潮雖或有微紅不

淡薄不熱堅如石破之無膿或有薄血或清水或如紫汁又有瘰癧肉如敗絮或如瘰癧在皮肉之間如雞卵可移動軟活不硬惟覺咽喉痰結作寒作熱宜返竈湯方見癰疽加南星半夏醫鑿。遍身有塊多是痰注宜加味小胃丹竹瀝連珠丸入門。痰塊宜開氣消痰湯又天南星草烏等分為末薑汁調如膏敷核上立消醫鑿。治痰核商陸根生南星合搗爛塗付立消種杏。渾身有腫塊或骨體串痛都是濕痰流注注經絡也通用二陳湯加減回春

加味小胃丹

治風痰痞積眩暈喉痺癱瘓不語腹中痞塊等證神效小胃丹一劑方見下加南星半夏並用白礬皂角薑汁水煮十五次各二兩半蒼朮用米泔白礬皂角水浸一宿炒一二兩桃仁杏仁並用白礬皂角水泡去尖紅花酒蒸陳皮枳實並用白礬水泡半日炒白朮白芥子炒各一兩右為末薑汁竹瀝煮神麪為糊和丸棗豆大每服二三十丸薑湯下入門。醫鑑一名導痰小胃

丹。圓春一名竹瀝化痰丸

竹瀝達痰丸

能運痰從大便出，不損元氣。劫丹溪曰：痰在四肢，非竹瀝不開。此藥是也。半夏薑製，陳皮去白，白朮微炒，白茯苓、大黃酒浸蒸晒，乾黃芩酒炒，各二兩。人參、甘草炙，各一兩。半青礬石碎，一兩。煅，煇一兩。同火煨，如金色。沉香五錢。右為末，以竹瀝一大椀，半薑汁三匙，拌勻，晒乾。如此五六度，因以竹瀝薑汁和丸。小豆大，每百丸。臨臥時以朱飲，或薑湯吞下，入門。一名竹瀝運痰丸。

開氣消痰湯

治胃中胃脘至咽門窄狹，如線疼，痛及手足俱有核，如胡桃者。苦蘆、香附子、白僵蠶炒，各一錢。陳皮片、枳殼各七分。前胡半夏、枳實羌活、荊芥、檳榔射干、威靈仙各五分。木香、甘州各三分。右剉，作一貼。薑二片，水煎服。醫鑿。

喜唾痰

胃中有寒，則喜唾痰。司方。脾虛不能剝制腎水，多吐痰唾而不咳者，宜服八味丸。方見虛勞。

又云八味丸治脾腎兩虛，多唾痰而不咳。丹心。本病後多唾痰者，此胃冷也。宜理中湯。方見寒門。入門。病人多唾白沫，乃胃口上停寒也。加益智仁、丹心。喜唾痰宜半夏溫肺湯。東垣或二味湯加丁香、縮砂。

半夏溫肺湯

治中脘有痰，水心下汪洋，嘈雜多唾吐。遲半夏、陳皮、旋覆花、人參、細辛、桂心、苦蘆、白芍藥、赤茯苓、甘草、草各一錢。右剉，作一貼。薑五片，煎服。喉中有物咯不出，嚥不下，此痰結也。醫鑿。喉中有物咯不出，嚥不下，此是老痰重者。吐之輕者，用瓜蒂散。方見吐氣實者，用荊瀝丹心。痰結核在咽喉中，燥不能出人，化痰藥加鹹能更堅之。味節齋化痰丸最妙。方見上。此等老痰飲酒之人多有之。酒熱上沖鬱于肺胃而成。此痰天門冬、片苓、池肺火也。海粉、苈子、硝、鹹以英堅也。瓜蒌仁潤肺降痰，香附子開鬱降氣，連翹、苦蘆開結降火，青黛解鬱。

痰結

痰結。喉中有物咯不出，嚥不下，此痰結也。醫鑿。喉中有物咯不出，嚥不下，此是老痰重者。吐之輕者，用瓜蒂散。方見吐氣實者，用荊瀝丹心。痰結核在咽喉中，燥不能出人，化痰藥加鹹能更堅之。味節齋化痰丸最妙。方見上。此等老痰飲酒之人多有之。酒熱上沖鬱于肺胃而成。此痰天門冬、片苓、池肺火也。海粉、苈子、硝、鹹以英堅也。瓜蒌仁潤肺降痰，香附子開鬱降氣，連翹、苦蘆開結降火，青黛解鬱。

火皆不用半夏南
星辛燥之劑丹心

痰病不卒死

大凡病久淹延卒不卒死者多因食積痰飲
所致何以然者蓋胃氣亦賴痰積所養飲

食雖少胃氣卒不
便虛故也丹心

痰病難治證

氣實熱痰吐難得出或成塊吐咯不出氣
鬱滯者難治又曰氣實痰熱結者難治丹

喉中漉漉有聲喘急咯痰不出者難治又曰服
藥後咯吐痰出為效若咯痰不出者難治四春

痰涎等病不一而是惟勞瘵有痰為難治最宜早
灸膏肓四花穴詳親錄經。肺胃經虛則生粘痰

痰者肺胃所出也痰涎凝滯在於咽喉如牽鋸之
聲時復復痰或吐瀉所致脾虛肺亦虛痰涎流

溢變或癰癩尤
為難治全嬰方

痰飲吐法

痰在膈上必用吐法瀉亦不能去。脈浮者
宜吐。膠固稠濁者必用吐。痰在經絡中

非吐不可吐中就其有發散之意不必在出痰也。
凡用吐藥宜并提其氣便吐也防風梔子川芎芩
蘗芽茶生薑蘆汁之類或以一二
陳湯探吐或用瓜蒂散丹心

痰飲治法

實脾土燥脾溼是治其本丹心。虛人中焦
有痰胃氣亦賴所養卒不可便攻攻盡則愈

虛丹心。凡治痰用利藥過多致脾氣下虛則痰
反易生而多法當補脾胃清中氣則痰自然連下

乃治本之法也丹心。治痰順氣為先分導次之
然氣升屬火因氣動者曰痰氣宜順氣導痰湯因

久動者曰痰火宜清熱導痰湯方見上。因溼動者
曰濕痰導痰湯通用二陳湯入門。陽虛腎寒冷

痰溢上或昏暈夜喘上氣者八味丸方見虛勞黑
錫丹方見虛勞鎮墜之入門。脾虛不能運化者

六君子湯加竹瀝薑汁或補中益氣湯加半夏竹
瀝薑汁。張子和曰飲無補法必當去水故用

汗吐下三法治人常愈然亦有挾寒挾虛之證又
有血氣虧乏之人理宜導去痰滯又當補板兼行

又難拘於子和之三法也丹心。痰生於脾胃治法宜實脾燥溼又隨氣而升宜順氣為先分導次之。又氣升屬火順氣在於降火醫鑿。難經曰腎主五液化為五溼溼能生痰痰者因咳而動脾之溼也半夏能泄痰之標不能泄痰之本泄本者泄腎也十棗湯三花神佑丸是也。血見下門。熱痰則清之用石膏青黛梔子黃芩黃連。寒痰則溫之用半夏乾薑附子肉桂。燥痰則潤之用瓜蒌仁杏仁五味子天花粉。溼痰則散之用南星皂角白附子竹瀝。老痰則軟之用海石芒硝瓜蒌仁枳殼便香附。食積痰則消之用山楂子神麩麥芽。大要人參甘州以輔脾白朮半夏以燥溼陳皮青皮以利氣茯苓澤瀉以參水。

順氣導痰湯

半夏南星茯苓枳實陳皮香附子烏藥各一錢木香沉香甘州各五分右剉作

一貼薑五片煎服入門

六君子湯

治氣虛痰盛半夏白朮各一錢半陳皮白茯苓人參各一錢甘草炙五分右剉作

貼薑三片棗二枚煎服正傳。一方六味各一錢等分

痰飲通治藥

通用二陳湯茯苓半夏湯芎夏湯蠲飲枳實丸千金指迷丸敵痰丸小胃丹痰飲香和丸食積痰飲宜清氣化痰丸虛人老人痰飲宜竹瀝枳朮丸霞天膏見上

二陳湯

通治痰飲諸疾或嘔吐惡心或頭眩心悸或發寒熱或流注作痛半夏製二錢橘皮赤茯苓各一錢甘草炙五分右剉作一貼薑三片水煎服正傳。方氏曰半夏蠲痰燥溼橘紅消痰利氣茯苓降氣滲溼甘草補脾和中蓋補脾則不生溼燥溼滲溼則不生痰利氣降氣則痰消解可謂體用

兼該標本兩盡之藥
用者隨證加減丹心

茯苓半夏湯

通治停痰留飲發為諸病半夏製二錢
赤茯苓二錢右剉作一貼薑七片煎服
宜明直指方小
半夏茯苓湯同

大半夏湯

治同上半夏製陳皮赤茯苓各二錢
半右剉作一貼薑五片水煎服丹心

芎夏湯

逐水利飲通用川芎半夏製赤茯苓各一錢
陳皮青皮枳殼各五分白朮甘草炙各一分
半右剉作一貼薑
五片水煎服直指

蠲飲枳實丸

逐飲消痰導氣清膈黑牽牛子取頭末
二兩枳實炙炒半夏製橘紅各一兩右
為末麩糊和丸梧子大每
取五十丸薑湯下東垣

千金指迷丸

治一切痰飲為患半夏麩二兩白茯苓
剉虛人乳汁拌蒸瘦人縮砂同酒浸蒸

去縮砂又生地黄汁浸蒸枳殼用麥麩醋水炒各
一兩風化硝二錢半右為末薑汁糊和丸梧子大
每服三五丸薑湯下旬日以往大便溏滑是滯
消痰積之驗也入門。脾胃痰神糊和丸。血
分痰酒糊丸。氣分上焦痰蒸餅糊和丸。骨節
四肢痰鹽酒入薑汁糊和丸。足痰牛膝膏和丸
。痰病深痼牛膏和丸多服
可以汗吐下如倒倉法入門

敵痰丸

治痰飲通用黑牽牛子取頭末三兩皂角酥
炙二兩白礬枯半夏麩陳皮去白各一兩右
為末水丸梧子大薑
湯下四五丸詩艾

神仙墜痰丸

通治痰飲諸病黑牽牛子取頭末三兩
皂角酥炙一兩六錢白礬生一兩右為
末水丸梧子大酒
下三五丸瑞竹

小胃丹

取膈上溼痰熱積上可取胃膈之痰下可利
腸胃之痰惟胃虛少食者忌用又云治風痰

熱痰溼痰食積痰芫花醋浸一宿炒黑甘遂麩裹煨熟水浸半日曬乾大戟長流水煮晒乾各五錢大黃濕紙裹煨再用酒浸炒熟一兩黃柏炒二兩右爲末粥丸麻子大每十九丸臨卧津嚥下丹心津液嚥下二十九丸白湯送下

五飲湯

治五飲一曰雷飲二曰癢飲三曰痰飲四曰溢飲五日流飲旋覆花人參陳皮枳實白朮

茯苓厚朴半夏澤瀉猪苓前胡桂心白芍藥甘草各七分右剉作一貼薑十片水煎服最效海藏

破痰消飲丸

治一切痰飲青皮陳皮三稜炮蓬朮炮良薑煨乾薑炮草果煨各一兩右爲末

水麩糊和丸梧子大陰乾薑湯下五十九丸得效

滾痰丸

治溼熱痰積變生百病大黃酒蒸黃芩去朽各八兩青礞石一兩同煨硝磺一兩入罐內

定鹽泥固濟晒乾火煨紅候冷取出以礞石如色爲度沈香五錢右爲末滴水和丸梧子大茶清

溫水任下四五十丸服藥必須臨睡送下至咽即復仰臥冷藥在咽隔之間徐徐而下漸逐惡物入腹入腸方能見效凡喪心失志癲狂每服百丸。中風癱瘓痰盛便秘常服三五丸。遍身筋骨疼痛未能明狀者每服七八丸。噎氣吞酸胃中氣塊閉塞嘔吐涎飲每服七八丸。心下怔忡陰陽關格變生怪證每服七八丸。急喉閉赤眼每服七八丸。頭額腫硬項結核或口糜舌爛每服五六丸。心氣冷痛如傳冰塊或欲入腹中絞痛上攻頭面腫硬遍身四肢等處腫起軟浮或痒或痛或此消彼長漸成篤疾皆係毒痰內攻或作腸癰疔疽每服七八丸。痢疾不問赤白或帶血塊惡物每服八九丸。凡在疾醫者不能辨其證服之無不效。按此方以大黃黃芩大瀉陽明胃中溼熱之盛礞石以驟下積痰沈香則引諸氣上而至天下而

水香和中丸

化痰涎除溼熱利胃膈和脾胃黑牽牛子頭末二兩三錢滑石二兩大黃一兩二錢木香黃芩青礞石枳殼檳榔青皮陳皮各五錢沈香二錢右為末水丸梧子大薑湯或茶清下五十九丸御藥。一方又名沈香和中丸治溼熱痰盛胃膈煩滿

清氣化痰丸

治一切痰飲及食積酒積成痰壅盛南星半夏以白礬皂角生薑各二兩同水浸一宿並剉作片同煮至南星無白點晒乾各二兩神麴炒麥芽炒各一兩半陳皮枳實白朮白茯苓蘆子蘿蔔子炒瓜蒌仁香附朮山查肉白豆蔻各一兩青皮乾葛黃連各五錢黃芩八錢海粉七錢右為末以竹瀝薑汁泡蒸餅和丸梧子大薑湯或茶清下五七十九丸醫

竹瀝枳朮丸

治老人虛人痰盛不思飲食健脾胃消食化痰清火去眩暈半夏南星以白礬皂角生薑同煮半日去皂角薑焙乾枳實條芩陳皮蒼朮泔浸鹽水炒山查肉白茯苓子炒白茯苓各一兩

單方

凡二十三種
黃連薑汁炒當歸酒洗各五錢右為末神麴六兩作末以薑汁竹瀝各一盞煮糊和丸梧子大淡薑湯或白湯下百丸入門

白礬

吐去胃中痰飲取一兩水二升煮取一升八蜜半合頓服須臾即吐未吐則當飲少熱湯本草

蒼朮

消痰水能治痰飲成窠囊極效即神朮丸也性燥能勝溼本草

貝母

消痰又治胃膈痰氣最妙本草。貝母丸取貝母童便浸三日洗晒為末糖霜調和不時服以治熱痰又治痰滿胃痞到

前胡

取二三錢水煎服之本草

乾薑

治寒痰又消痰下氣丸服煎服皆可本草

生薑

去痰下氣又去冷痰調胃氣本草。治痰癖生薑四錢附子生二錢右剉水煎服本草

半夏

治寒痰能勝脾胃之溼所以化痰湯液。能消痰涎去胃中痰滿本草。油炒半夏大治溼痰丹心。去痰瀉用半夏熱加黃芩風加南星蔞加陳皮白朮入門。半夏丸治痰喘心痛半夏香油炒為末粥丸梧子大薑湯下三五十九丸入門。半夏麩及法製半夏方皆見于下。

半夏麩

痰分之病半夏為主然必造而為麩又入霞天膏白芥子薑汁礬湯竹瀝造麩治痰積沈痼者自能使腐敗隨大小便出或散而為瘡此半夏麩之妙也。佐以南星治風痰。法以薑汁酒浸炒令連及瓜蒌仁香油拌麩畧炒治火痰。佐以穀炒枳實薑汁浸蒸海粉之類治老痰。佐以蒼白朮俱米泔薑汁浸炒甚至乾薑烏頭皆治溼痰。製法詳見雜方丹心。

法製半夏

大半夏一斤石灰一斤滾水七椀入盆內攪晾澄清去滓將半夏浸之手攪日晒夜露七日撈出并萃水洗淨三四次泡三日每日換水三次撈起控乾用白礬八兩皮確一斤滾水七

八椀入盆內攪晾浸半夏七日日晒夜露取出水洗三四次泡三日每日換水三次取出控乾入甘草薄荷各四兩丁香枳實木香白薑陳皮青皮枳殼五味子縮砂各五錢白豆蔻肉桂各三錢沈香一錢右切片滾水十五椀將半夏同藥共入盆內泡二七日日晒夜露攪之日足取出藥與半夏用白布包住放在熱炕用器皿覆住三炷香時藥與半夏分胎半夏乾收用有痰久者服之一日大便出似魚膠一宿盡除痰根永不生也此藥化痰如神若不信將半夏七八粒研入痰梳化為清水有痰疾中風不語研七八粒并水送下以手摩運腹上即醒能言則春

瓜蒌仁

治熱痰酒痰老痰燥痰潤肺化痰降氣洗滌胃腸中垢膩作丸或煎服皆佳丹心

葶藶子

除胃中痰飲能逐肺經之水未服煎服皆可本草

旋覆花

消胃上痰結癖如膠漆除心脇痰水水煎服或丸服本草

枳實

除胃脇痰癖。水煎服。或作丸服之。
本草。枳實瀉痰能衝墻壁。丹心。

枳殼

消痰散胃。膈痰滯煎。
服末服皆可。本草。

天南星

治風痰。炮黃色。入生薑七片。
水煎服。或薑汁糊丸服。本草。

青礞石

治食積痰。同煅硝火煨。服能利痰積。
從大便而出。作丸服。或末服皆可。入門。

木瓜

消痰止咳。唾。本草。木瓜煎治痰益脾胃。木瓜
蒸爛取肉。研搗篩去滓。量入煉蜜薑汁。竹瀝攪
和。作煎。每取一大匙。
嚼下。日三四次。俗方。

烏梅

去痰止渴可。
作茶飲。本草。

白芥子

主胃膈痰。冷。本草。痰在脇下。非白
芥子不能達。末服煎服皆佳。丹心。

瓜蒂

吐痰。痰塞心胃。令人悶絕。用
瓜蒂散。吐之。即甦。方見三法。

海粉

熱痰能降。溼痰能燥。結痰能軟。頑痰能消。
不可入湯。可入丸藥。用製法詳見雜方。丹心。

蛤粉

能墜痰。軟堅。即固濟火煨。海
蛤粉也。末服丸服並佳。丹心。

蜆殼

燒為白灰。飲調服。
除心胃痰。水。本草。

針灸法

諸痰飲病。取豐隆中腕。胃中痰飲吐逆不食。
取巨關足。三里。綱目。溢飲取中腕。甲。下焦
停水氣攻不食。取維道中封胃。俞腎。俞東垣。痰
涎等疾不一而足。惟勞瘵有痰。為難治。最宜早灸。
膏肓穴。壯數既多。當有兩下。善善然。
如流水之狀者。是痰下也。資生。

訂正東醫寶鑑內景篇卷之二

